



硃批莽鵠立奏摺

雍正二年四月十五日巡視長蘆鹽課監察御史



聖諭臣莽鵠立謹

奏為欽遵

諭旨事竊臣一介庸愚至微至陋荷蒙奉旨大梁山東

皇上特簡巡鹽於雍正元年五月初八日恭請

聖訓欽奉

上諭長蘆鹽法大壞今特簡爾前去清除弊端整理鹽

法非二三年不可爾若能於一年之內辦理妥協亦

即奏明更換欽此欽遵臣自受事以來冰兢自持留

硃批諭旨

莽鵠立

心訪察一切有關鹽政者盡力興除總以甦商裕課爲念不敢少懈其長蘆鹽務規模已定臣於本年正月內在京曾經  
奏明今山東鹽務臣於二月十八日甫到濟南率同運司漆紹文逐一確議凡有利於乏商窮竈者無不舉行各項弊端悉皆革除實力奉行大槩山東鹽政規模亦定此皆欽遵

聖訓指示一年之間興除殆盡地方有司咸知督銷之責而商竈亦各安煎運之業矣相應奏請  
皇上另委賢員更替令臣回京得以時覲

天顏勉竭駑駘以圖仰報  
皇恩於萬一爲此繕摺請  
旨恭候  
睿裁謹

奏

已有旨矣雖據爾奏稱鹽政規模已定但其中次第尚多未妥處務期斟酌妥協定爲成例方可行之久遠也

同日又

奏爲核減鹽規事竊臣欽遵面奉

諭旨將長蘆各官鹽規已經酌量核減

硃批諭旨

奏明今臣於本年二月十八日到東省隨移行撫臣等去後准撫臣黃炳覆稱去歲前任鹽道呈送鹽規銀二千兩當卽收受犒賞三營兵丁訖隨將收受鹽規犒賞兵丁情由奏明但兵丁固所當恤而商困亦所當紓相應盡行裁去又據布政使博爾多詳稱本司衙門向無鹽規無憑裁減又據按察使程光珠詳稱本司衙門向有鹽規銀一千二百兩本司並無收受無庸議減議留各等情到臣據此除將濟南等各府廳州縣向有鹽規者檄飭運司嚴行核減毋許累及商人外其撫臣及按察司

鹽規銀兩旣稱盡行裁革無庸減留相應一併裁革以甦商困臣未敢擅便理合請旨遵行謹

奏

鹽務係爾專責事若當行則行何庸奏請耶

雍正二年八月十七日巡視長蘆鹽課監察御史

臣莽鵠立謹

奏爲奏銷之嚴限已屆元年之銷引未完再請據情

陳奏仰懇

皇仁事竊照長蘆額引臣於去歲莅任後欽遵

硃批諭旨

三

莽鵠立

諭旨徹底清理查康熙六十一年之引未領運者甚多  
已據商人等籲懇奏銷展限經臣

奏請寬至雍正二年奏報蒙

皇上恩准展限一年欽此欽遵已於今年五月內奏銷  
全完在案衆商因儘力先運六十一年積引以致  
雍正元年之引除領運過外尚有未能盡領者十  
萬餘道前據商人等呈懇將元年未完之引仍照  
去年之例再寬至雍正三年奏銷等情經臣

題請寬限蒙部議覆不准展限仍令照例造冊奏銷  
等因劄行到臣奉此隨行運司遵照去後今據該

司段如蕙詳據闔綱商人李培源等呈稱商等元  
年額引之內現有已領未運已運未到者若此時  
遵奉部文迫於奏銷必有坐繳包賠之苦實因先  
完六十一年積引以致元年之引尚有未領運者  
懇現在儘力告運叩懇轉詳憲院

奏請再懇

皇仁展限奏銷等情詳請前來臣查六十一年之引原  
係遞年所積至臣到任以來衆商先儘運完積引  
二十萬道又急公并力領運過雍正元年額引八  
十萬有零現今止剩十萬餘道元年之課已經全

完惟元年之引雖有未完然較之去歲已爲多運十餘萬道矣今奏銷元年之引戶部催令照例造報不准展限所議甚是但長蘆鹽引之積由來已久查今歲各州縣所銷之引實勝往年之數今臣若遽爲

題叅該州縣畏懼考成勢必勒令坐繳引目而辦課商人仍有包賠之累臣爲錢糧起見不得不冒昧奏請再賞展限二年將現在未完之引每年帶運一半於雍正三四兩年之內積引可以全完從此以後年銷年額再無壅滯之虞矣理合具

奏伏乞

皇上恩准施行謹

奏

據莽鵠立所奏元年未完額引雖未能全銷已銷大半辦理尚屬勤慎准照所請展限若於此限內再不能完將莽鵠立一併治罪該部知道

雍正二年九月十五日巡視長蘆鹽課監察御史  
臣莽鵠立謹

奏爲陳明均引分引事竊長蘆鹽法積弊已經臣節  
會次條奏均蒙

俞允現今有起色而山東積弊其最大者有二一在  
銷鹽之引地不均一在復引之分派不公以致窮  
商受累課額艱辦臣已飭行運司齊集衆商會同  
濟南府等秉公妥議去後茲據該司漆紹文等詳  
覆均引一事將現在州縣額引均勻搭配細加增  
減裒多益寡洵得均平造具清冊前來至於按名  
分引一事亦據該司詳稱檢查案卷傳齊各商公  
同協議據商人等具呈俱願按名均分懇請核題  
使闔司商人貧富輯睦永杜爭端等情到臣但未  
據造送引數商名清冊無憑核題除仍飭運司查

具  
題候  
明造備俟臣會同撫臣察核另題外今將均引清  
冊送部查核臣會同山東撫臣陳世倌列名繕疏

旨遵行謹先繕摺陳明謹

奏

知道了既經會題聽候部議漆紹文係一能員

雍正二年十月初三日巡視長蘆鹽課監察御史

臣莽鵠立謹

奏爲奏明餘銀候便彙解事竊查長蘆巡鹽御史衙

硃批諭旨

門每年有養廉銀二萬兩臣蒙

皇上知遇深恩莅任以來絕賓客忘室家惟日夜勤慎  
清理鹽務以圖報效於萬一所留養廉銀二萬兩  
內除臣在津一年薪蔬盤費節賞公用等項動支  
過銀三千兩又捐造新設巡鹽守備把總駐劄衙  
署兵丁營房動用銀八百兩外猶存餘銀一萬六  
千二百兩臣素性儉樸又無交接餽送在臣實無  
可用之處隨飭令運司傾銷元寶現收司庫候有  
解交部餉之便一併交付差官彙解到京另文解  
交

內庫此係鹽花規禮原無加平之項理合預先  
間奏明伏乞

睿鑒謹

奏

知道了嗣後每年養廉之項當酌量存留不必勉強拘

執

雍正三年四月二十三日巡視長蘆鹽課監察御

史臣莽鵠立謹

奏為奏

聞事竊臣於本年正月二十六日起程赴山東會理鹽

硃批諭旨

七

莽鵠立



聞事務於二月初九日抵濟南府駐劄五十餘日今春  
奏雨澤愆期撫臣等日事祈禱至臣四月初二日起  
程回津時雨未霑透運河水淺南船未過八閘卽  
德州小米糧船亦爲淺阻沿途一帶麥將枯槁  
於十七日到津查得天津本月初七日得雨二指  
於十七日又得微雨土派旱乾不足滋潤民情迫切  
今臣同鎮臣道臣文武等官現在齋戒祈求謹將  
濟南天津尚未得雨情形繕摺奏

聞謹

奏

據實直達甚屬可嘉虔誠祈禱自蒙  
上蒼昭格也

雍正三年五月初六日巡視長蘆鹽課監察御史

臣莽鵠立謹

奏爲密摺奏

聞事竊臣案查原任運司宋師曾在任八年情徵蘆商  
皇丁積欠課銀一百一十六萬餘兩業經  
奏准分爲十二年帶徵及宋師曾保陞巡道接任運  
司交司段如蕙盤查揭報虧空庫銀三十八萬餘兩內  
有商竈欠銀二十二萬兩零原任青州分司杜于

殊批諭旨

八

莽鵠立

藩未交銅筋脚價等銀一萬七百兩零部議奉旨交與運司勒追還項內有餽送總督趙弘燮銀一十萬兩此項贓銀例應入官另追虧空乃蒙皇仁寬宥准其抵補虧空復有私借給張安世馬世煜等三千餘兩亦令於各名下追還在宋師會本身應追虧空止不過四萬七千餘兩從前審虧空時宋師會原供稱有祖遺產業約五六萬兩情願盡行變賠等語今伊家產抵變無幾仍混指蘆商尚有未完前督撫號銀一萬七千餘兩求總督李維鈞行文飭追代填虧空遂致曲庇偏徇希圖報完

代爲開復自去歲檄令天津同知嚴比乏商一年之內已經追得三分之二補完虧空尚少六千餘兩今督臣又據宋師會呈詞所需解費飯銀仍行備旨令勒追剋期全完臣因窮商哀籲業經兩次移文求緩李維鈞執意不從竊思撫號一項係當年直撫之規禮非宋師會應得之物李維鈞身爲封疆大臣何得爲私忘公偏庇至此致下累窮商上誤國課臣職司鹺務勢難緘默不得不據實密奏伏乞

皇上睿鑒謹

殊批諭旨

皇奏

此奏著李維鈞明白回奏

因同日又回諭

奏為

聖德格

天甘霖霑足事竊臣遵奉

諭旨虔誠祈禱

聖諭宣播百神效靈於五月初二日申時即得大雨入

土約有四五指至初四日晚陰雲密布是夜四更

甘雨普降土脈融和田禾霑潤瑞兆豐年萬姓歡

呼不啻雨珠雨玉洵我

皇上至誠感神休徵旋應臣等不勝踴躍歡忭之至所

有得雨日期理合具摺奏

聞謹

奏其

覽奏得雨情形大慰朕懷

所奏宋師會事甚屬可嘉去冬年羹堯在朕前大為宋

師會乞恩爾密密將宋師會如何實緣年羹堯李維鈞

之處察訪明白據實奏聞

雍正三年六月初二日巡視長蘆鹽課監察御史

殊批諭旨

十

莽鵠立

臣莽鵠立謹

奏爲請

飭禁仕途積弊以肅

功令事竊思純臣之義以

君國爲重不顧其家不有其身方能圖報效於萬一如

其私結聲援瞻徇交好卽有黨同伐異之心矣臣

見鑽營附勢之徒廣通聲氣投拜門生未中者遇

科場則求關節已仕者遇

皇計典則圖薦舉且有素不相睦一拜師生遂成膠漆

求分說情每至以直爲曲偏徇庇護罔顧法紀此

等之人旣無品行安望其純一乃心恪供厥職哉

臣以爲投拜之一途所當嚴禁也至於棘闈取士

固有師生定分但主考房官爲

國求賢原非私意豈容市德乃有無厭之輩一遇門

生陞授外職老師世兄以及同年故舊或親行探

望或差人索取名曰抽豐在門生情不能却送往

迎來周旋應接非剝削民脂卽那移正項窮員虧

皇上空從此漸多倘稍爲拒却人皆鄙笑指爲刻薄寡

素情臣以此等求索亦宜一體嚴禁如此則人品日

端風俗日古於治道實有裨益矣臣不揣鄙陋冒

昧具谷日古公首實百弊益矣引不詳瑞淵旨  
奏伏乞 皇上睿鑒敕部施行謹  
皇上睿鑒敕部施行謹  
奏  
師生黨比之風朕所深惡此奏甚屬得理與朕意合九  
卿議奏

雍正三年六月初三日巡視長蘆鹽課監察御史

臣莽鵠立謹

奏為請懲刁玩之竈戶以肅法紀以完場課事竊臣  
奉

命清理蘆東鹽政已歷二年因見竈丁賠累竈地迷失  
已經

題請編審竈丁丈量竈地所以為恤竈計也復查得

竈戶中有刁頑積習倚恃貢監生員包役抗糧以

完課為恥以逋賦為能積年拖欠者甚多場員莫

可如何倘催追一緊即砌欸捏證奔控督撫有司

奏提審不由鹽法衙門場員官卑職微不敢與抗每

皇上至奏銷代受處分而頑戶悍然不顧總之身恃衿

監為護符目無場官此等刁風漸不可長臣愚以

為嗣後如遇此等竈戶斷宜重懲使刁徒知有

硃批諭旨

十三

莽鵠立

國法錢糧不致拖欠微員得以任事其如何嚴拏審  
追之處伏祈無違官訊旨  
皇上睿鑒敕部定議施行謹

奏

九卿議奏

雍正三年七月初八日大理寺卿仍管理長蘆鹽  
政臣莽鵠立謹

奏為酌議捐修隄岸工程以護城垣以保生民事竊  
查天津逼近海口地勢卑下每遇河水漲發海潮  
壅遏之時宣洩不及其受衝緊要之處有三一城

西南之教場一城北之老君堂一城東北之小關

口三者之中目下惟老君堂為最蓋教場賴有大  
隄防護其小關口尚有版隄捍禦再加修築可制  
洪波至若老君堂舊基前有南河後有北河南既  
臨岸而北河汎濫漫過支渠直薄其下又無隄岸  
防護連年前後衝塌數十餘丈僅存一線土埂現  
今水勢陡發南北兩河之水相隔此埂不過丈餘  
左右居民腹背受惠泥此地一決則兩河之水直  
衝城北單街夫單街逼近津城市廛商民不啻數  
萬而城墻多傾且薄不足禦水霖雨連綿大為可

憂茲據士民等公呈臣會同鎮臣道臣親往土埂  
查勘一面各捐數金暫令募夫培築一面祈禱聞  
口龍神力爲保障今幸雨霽河水汎濫之勢漸覺  
停止目前可以無虞但未雨綢繆爲將來萬全之  
策宜先從老君堂一帶築隄保護并將北河之支  
渠用土填塞次將小關口並教場兩處隄岸加謹  
堅修凡居此土者官吏商民或捐貲或助力莫不  
各出情願除據呈批飭天津道詳查妥議到日捐  
修外合將河形地勢繪圖進呈量茲據呈請將大  
御覽伏祈之

皇上睿鑒施行謹

奏

如此爲地方公事留心甚屬可嘉但修築堤岸往往有  
便於此而妨於彼者倘修築不中肯綮徒勞無益侍郎  
牛鈕熟悉河務朕已諭伊過秋汛於公事畢後前詣天  
津到時爾與伊詳細商酌而行大聖寺喇嘛營聖具蓋  
海口龍王廟朕亦欲加修理爾差委的當人員用心看  
視將應作何修理之處具奏以聞再者隆科多詐騙王  
廷揚銀二萬兩應追入官之項可作修廟之用今彼處  
商民若情願急公捐修朕將此項留充他用倘爾修堤

工程力有不足處卽將此項賞助湊用亦可總在爾相  
度衆人之力量情形據實直陳候朕裁奪再若有人情  
願將廟工堤工擔承效力修理者爾亦卽據實奏聞朕  
另賜予議敘但出於情願方可萬不可抑勒也

雍正三年七月二十一日大理寺卿仍管理長蘆

鹽政臣莽鵠立謹

奏爲具報被水情形懇

恩暫開海運以濟地方以安窮黎事竊查天津一帶地  
勢面低窪自六月以來陰雨不止陸地諸水合併橫  
流天津城外一片汪洋四野村田盡被淹溺且米

價騰貴柴薪無覓臣委批驗所大使帶領臣衙門  
承役前至鹽坨地方傳齊堆鹽各商聚集居民覓  
雇人夫併力培築保護鹽坨又勸諭衆商捐資買  
米數千石現委分司兼管煮賑以救饑民今沿海  
民竈逃荒山海關外就食者甚多臣訪聞關東地  
方糧米頗賤與天津一海之隔懇乞

皇上天恩敕下奉天將軍部臣作速出示曉諭本處行  
商戶如有囤集米糧情願發賣者許其暫行販運來  
津公平買賣半年之間可接來歲麥秋不特津城  
附近居民今冬無凍餒之憂卽隣邑被水貧民亦



免流離之患矣。臣目覩天津水害如此，除移咨直隸督臣設法撫綏外，理合據實具奏。伏乞  
皇上睿鑒，恩准施行。謹奏。

雍正三年八月二十二日大理寺卿仍管長蘆鹽

政臣莽鵠立謹

奏為情願捐修海廟仰答

皇恩，祈准輸納事。竊據署長蘆運司李俊有詳稱：據太

皇上殊恩，畀任卿員。僕寺少卿王廷揚辦課商人秦嶠，抱呈內稱：竊廷揚一介庸愚，至微極陋，疊荷

天高地厚之恩，捐糜莫報。茲值鹽憲欽奉諭旨，修理海口。來奉會同，並籌賑水。因本營五羊龍王廟，揚情願捐銀一萬兩，少抒蟻忱，不敢仰邀議敘。惟祈轉詳批行等情。到署司據此，理合詳請

題達，以彰該宦急公好義之忱。等因。到臣，該臣看得此人不但良商而已，才具亦好。王廷揚係長蘆殷實良商，引名王克太。今聞奉

諭旨，修整大沽。財不敷用，難辦。實出真誠，引名王克太。今聞奉

海神廟情願捐修不邀議敘實出真誠臣隨准捐令

伊辦課商人秦嶠備辦材料會同監造官親往督

修查所費工料王廷揚既願獨力捐修其要回隆

科多詐去銀二萬兩在修廟處無可動用懇乞

皇上准充別餉至天津修築堤工侍郎臣牛鈕已於八

月十四日來津會同臣等沿河踏勘因水勢汪洋

天高工程浩大難於估料俟秋汛過後臣等再行會看

皇上估計另請修築外理合繕摺

奏明伏祈

皇上睿鑒施行謹

所奏是知道了

雍正二年九月十二日大理寺卿仍管理長蘆鹽

政

奏為暫留能員委辦公務事竊照天津奉

旨改衛為州原任督臣李維鈞委霸州知州遠選署理

天津事務查霸州有賑濟修城等事該署州不時

回本境料理以致天津公事竟無專員辦理臣查

原任衛守備王昭威雖為武弁然係科舉出身辦

事勤慎堪以委用新任知州陳雅琛至今猶未到

硃批諭旨

七

莽鵠立

任茲天津教場老君堂小關口各處隄岸現議修築須得能員督修辦理臣請將王昭威暫留天津辦理修隄公務查該備係廣東撫臣楊文乾奏明奉 旨派往廣東之員今既暫留應俟天津修築事畢再令該員前往臣更有請者原任直隸河間縣知縣馬騃雲曾在清江浦河工效力熟悉隄工現在丁憂臣因河間一帶現任州縣官內各有要務原無可委之員懇將馬騃雲

准臣差委往產木之處採買柏木杉篙等料以備修築

應用并令其監工完日再為補用如此則公務不致有誤而辦理亦得專責之員矣理合繕摺請旨

伏乞

皇 旨 鑒 施行 謹

奏 爾 奉

照所請行該部知道

奏 雍正三年九月二十日大理寺卿仍管理長蘆鹽

奏 政 臣 莽 鵠 立 謹 奏

奏 為 欽 奉 聖 旨 不 准 莽 鵠 立 辭

上諭事竊照北倉地方倉廩潮濕先經臣等會議令李

殊批諭旨

上諭維鈞浦文焯賠修今年先行拆卸培築牆基明春  
奏併力督修不誤截漕繕摺

奏明臣隨檄行遵照去後嗣准倉場督臣托時移會  
奏准直隸截留漕米二十萬石暫收北倉應俟撥運  
完日拆毀等因又准奉天府府尹臣尹泰知會內  
奏稱奉

上諭瀋陽海運之米到天津時交與地方官收貯或天  
津道或總兵或鹽政俱可天津蓋造新倉卽於新倉  
收貯欽此相應知會米船到日照數查明收貯新倉  
等因到臣該臣看得拆修倉廩必在歲內動土培

植築基址較之春時倍爲堅固今旣截漕暫貯應將  
貯米之廩暫緩拆卸其餘空倉便可令其先拆及

奏時培築若

盛京海運米石到津之日臣等公同交與道臣柯喬

年等查明天津各米行舖或寬大廟宇暫寄收囤  
至河水凝凍米價昂貴之時將此囤米減價平糶  
以足民食至年內動土培地并明春修造建監須  
奏用吉日良時仰懇

皇上敕下欽天監精擇日時臣得剋期奉行理合一併

奏具

奏伏乞

皇上睿鑒施行謹  
奏用吉日具詳

所議修倉貯米之處均屬允當其修造日期爾宜就近  
覓人選擇何必又多一番事耶

雍正三年九月二十八日大理寺卿仍管理長蘆

鹽政臣莽鵠立謹

奏為請修天津城垣以保民居以固疆圉事臣竊惟

天津一城為東海之咽喉

神京之鎖鑰臣見城垣四面雉堞傾圮門樓頽壞磚

無全塊城壕填塞修建之事實難姑緩今據長蘆

商人金義錢仁本名安岐稟稱修築城池乃邦家

要務上有益於

國下有益於民岐父安尚義聞此美舉踴躍鼓舞情

願竭力捐修勦成盛事等情到臣據此該臣看得

天津城垣南北三百三十餘丈東西五百二十餘

皇丈牆高三丈既據安尚義父子擔承修築可謂好

義急公惟是工程浩大須經歲月安岐現在行鹽

辦課其修濬之工難以兼顧相應令伊父安尚義

親來估計辦理且安尚義人甚老練自必盡心竭

硃批諭旨

二十

莽鵠立

力准再會同鎮臣等委地方官并盡力督修徑於  
年內擇吉興工理合以疏備陳伏乞聖鑒訓示  
奏明伏祈 聖鑒訓示謹奏  
皇上睿鑒俞允施行謹  
奏天聖 欽此  
城工既有安岐承修何必又欲伊父安尚義前往安尚  
義若自願到工看視一任其便伊既急公捐修爾同地  
方官亦宜相助料理

雍正四年七月二十八日兵部右侍郎監理長蘆  
鹽政臣莽鵠立謹

奏為欽奉

上諭事竊天津蓋造倉廩之事雍正元年九月初八日

接准部咨奉

上諭令臣等會同詳審地形或另擇高阜地方或將舊

基培墊交與李維鈞等賠修欽此咨行到臣隨經總

督倉場托時會覆仍於原基改造應著落李維鈞

等賠修等因奏明奉 聖鑒訓示

旨依議欽遵在案於九月二十八日又准總督托時欽

遵 欽此

諭旨移會到臣准此臣隨令李維鈞浦文焯遵奉 欽此

硃批諭旨

三

莽鵠立

諭旨如式賠造於去年十月內將原造廩房盡行拆卸  
先將廩內地基用灰土堅築比舊加高三尺倉外  
院地加高二尺選用原料內堅固木植外加添披  
水望板地板楞木謙板謙草及石灰瓦磚葦箔釘  
麻等料於本年二月初九日開凍興工起臣與巡  
基鹽御史臣顧琮不時到工親身催督務期堅固而  
李維鈞等亦甚畏罪悔過朝夕不離努力營造賠  
修於五月內倉廩大局已完於七月十七日各工  
俱已告成理合臣等謹將工程完竣日期  
知道臣等謹將工程完竣日期  
奏明今海運米又有五萬餘石到津督臣李紱委河

聞知府來津請暫於廩內收貯臣等因廩內圍牆  
尚未乾透恐滿貯小米薰蒸發漲廩牆受傷是以  
著該委員暫做席圍於廩內收貯理合一併奏

聞謹

奏

甚好如此方可謂實心任事

雍正五年四月初五日刑部右侍郎署理長蘆鹽  
政臣莽鵠立謹

奏爲奏

聞事竊照天津一帶地方今歲雨澤愆期臣會同鎮臣

殊批諭旨

三

莽鵠立

聞車及州城文武各齋戒虔誠祈禱三日未雨臣隨至  
去盧家嘴督催營工目今官署營房數日內俱可蓋  
完惟堡牆院牆城壕橋閘等項現在加工砌造開  
挖大約月盡月初亦可完工而盧家嘴沿海地方  
風多雨少今於四月初四日夜四更時分大雨至  
五更將明方止共得雨二尺民心歡悅仰見我  
皇上念切民瘼痼瘵為懷所有得雨日期繕摺奏

聞謹

奏

閱所奏之詞忽東一句忽西一句甚覺支離朕觀爾甚

有昏憤光景慎之慎之

聞雍正六年二月初三日甘肅巡撫臣莽鵠立謹

奏為恭報甘肅得雪日期事竊臣蒙

皇上隆恩授以甘肅巡撫重任自雍正五年十二月初十  
八日到任因念民以食為天及時雨雪最為緊要  
隨飭布政使查報去後茲據布政使孔毓璞呈報  
平慶臨鞏甘涼寧西八府屬於上年十一月初五  
奏初七十六十七十八十二月初十等日得雪一二  
聞蠶寸至三五寸不等又據鞏昌府稟報所屬地方今  
春正月二十二日得雪三寸有餘所有甘屬各地

殊批諭旨

三

莽鵠立



方雖得雨雪尚未甚霑足情由理合據實奏

聞謹

奏

覽但宜勉竭誠敬凡督撫大吏不沽名釣譽實心為國為民則

上天之賜嘉應朕可保其不爽也勉之勉之

雍正六年二月十五日甘肅巡撫臣莽鵠立謹

奏為奏

聞事竊今春臣訪聞得河州蘭州狄道金縣數處窮民攜帶子女徙往平涼固原等處傭工趁食者不一

而足臣隨行查據布政使詳委候補知州李毓德

前往平涼一帶沿途招諭令所在地方官量給口

此等遷徙之民須察其來歷若憐其貧而施此小惠倘糧送回原籍仍令各該州縣動支公用耗糧借給

小民探知爾之居心源源而來恐將來不勝其耗糧借給似此識見卑淺迂濶而不通者往往有之行趁食在所不免但臣莅任未久民情土俗未能

皇上周知適遇此等遠行趁食之民不敢隱瞞謹將委

聖鑒員招諭量給口糧送回安插情由據實奏

聞謹

奏同日又

雖莅任未久未能周知民情亦當細訪其緣由奏聞爾

殊批諭旨

西

莽鵠立

其徐徐察訪自得其實情也

奏同日又

聞奏爲據實奏明仰祈

聖鑒事竊臣蒙

皇上洪恩補授甘肅巡撫邊疆任重時切冰兢祇因莅任未久屬員賢否一時不能周知是以未敢冒昧遽行舉劾茲查涼州府武威縣革職知縣常琮因多收耗糧經督撫臣題參革職嗣經審非常琮侵收入已擬以杖徒折贖俱免等因具題在案今奉部駁常琮有先侵後吐情弊令該撫再加詳審妥

擬等因到臣經臣駁令嚴訊常琮所收耗糧原係預備公用現存在倉被參之日當經該府盤明封貯並非入已委無先侵後吐情弊除仍照原擬具奏題外再查常琮又有續參虧空各年雜稅及草束等開列項經臣審明實係因公挪用於參後限內俱已全完照例免罪前亦經臣具

題在案但臣於訊鞫間見常琮才尚堪用查從前被內參原因多收耗糧常琮所收止有加一並未逾格備旨且現存在倉並非入已若使終於廢棄殊爲可惜

聖鑒臣於出京

殊批諭旨

陛辭之日曾蒙

諭旨凡屬下官員有過應叅者卽行題叅不必瞻徇此  
內如有情理可原人材可用者據實密摺奏聞欽此  
朕欽遵今臣既審明情由不敢私行隱匿理合據實  
奏懇國恩罪前衣歸引具

聞伏祈 聖 鑒 實 計 因 公 派 用 然 亦 期 內 與 日 全  
皇上睿鑒施行謹又 旨 辭 察 諫 空 谷 平 難 鮮 又 草 束 等

奏 報 並 非 人 身 委 無 於 對 對 也 誠 難 辨 別 以 照 恩 錄 具  
常琮如情願效力贖罪留辦軍需試用可也俟後有效  
力處事畢奏聞請旨

同日又具 摺 奏 報 至 三 日 間 旨 旨 全 係 西 寧 再  
奏爲奏 報 西 寧 道 劉 之 項 在 寧 辦 理 在 案

聞事竊查西寧地方預備軍需甚屬緊要隨委涼莊道  
殷邦翰協同新任西寧道劉之項在寧辦理在案  
今據劉之項等稟稱西寧拴養滿漢官兵馬匹及  
運糧騾頭應需料豆草束除西寧現在存倉豆石  
外其餘不敷料豆並草束應於各處採買俱經發  
奏給銀兩現在採買速催交納等情到 臣 查西寧  
極邊地方草束一項最爲艱難穀草不能多得今

查該屬地方有燕麥草山麥草均可餵養馬騾從  
殊批諭旨

前軍需俱經用過亟已令其兼收採買現今督臣岳鍾琪式草束一取昂爲購辦草不並發持今奏明添買騾二千頭應需餵養豆草亦已檄令如數備辦再查進藏官員應需粳米西寧縣倉現有存貯粳米儘足支發又進藏官兵應需裹帶炒麪西寧縣大通衛二處倉內現有收貯青稞儘足磨用又滿漢兵丁連跟役人等裹帶四箇月及住西寧間津四十日口糧所需粟米除西寧倉現在存貯粟米支用外經布政使等在臨洮鞏昌二府屬撥運粟米於正月陸續運送至三月間即可全到西寧再

查欽奉

上諭陝西採買騾頭甘省前後共應採買騾二千頭現在委員嚴催各屬上緊購買送臣親驗發布政司分派加意餵養至運糧需用口袋鞍屨一切等件臣亦嚴飭上緊備辦務期三月內解運到寧以備需用至各處解送馬騾沿途應需豆草臣亦已檄令轉飭沿途地方官早爲預備勿致臨時有誤軍需重務誠恐上履聖衷理合將備辦情由繕摺奏聞伏祈鑒斷

皇上睿鑒謹

聖奏  
朕何暇覽此等章奏便覽訖亦不敢遽言其是否總諭爾辦理莫悞毋令屬員冒銷三句之外更無可批諭也凡軍需之項須待大兵凱旋事事清楚之後方可論其功罪耳勉爲之

雍正六年三月二十三日甘肅巡撫臣莽鵠立謹奏爲恭報雨雪日期事竊惟甘肅地方時屆季春正田苗長發之時雨水最爲緊要今據布政司據詳呈報平涼府屬於二月二十一及二十七八等

命  
日得雨雪一二寸至五六寸不等慶陽府屬於二月二十一及二十七八等日得雨一二三寸不等臨洮府屬於二月二十七八九及三月初四五等日得雨雪一二三寸不等鞏昌府屬於二月二十一及二十七八等日得雨雪一二三寸至四五寸不等甘州府屬於二月二十一及二十八等日得雪一二寸不等涼州府屬於二月二十一及二十八等日得雪一二寸不等西寧府屬於二月二十八日得雪一寸寧夏府屬於二月二十一日得雨一二寸不等理合繕摺奏

聞謹

奏

如欲感召

天和惟在秉公克己存誠主敬黽勉吏治

上蒼自無不垂佑之理勉之敬之此理朕見之甚透

同日又

奏為奏

聞事竊臣奉

命巡撫甘省兼理茶馬重務其一切茶法利弊敢不悉

心籌畫仰答

天恩於萬其查前撫石文焯於雍正五年正月內遵

照部行將西寧莊浪洮岷河州甘州等五司官茶

每司每封各酌定價值銀數具

題隨准部文以所議價銀與督岳鍾琪所奏價值

大相懸殊令據實確估另行具題等因雖經屢次

嚴行催比無如五司官商斷不能如數售變所以

至今未能定議具

題臣查督岳鍾琪從前所奏每封變銀一兩二三

錢之說緣彼時西寧正值軍興大兵雲集番漢雜

處需茶甚多是以茶價騰貴今臣嚴行申飭細加

確訪各處時價實屬不一各司每封價值與前撫  
臣原結辦到部西寧五道軍興大元...  
題酌定之數並無懸殊若照此價將各司庫茶陸續  
發商分年代賣尚可漸次銷售如照部駁指定一  
兩二錢之價則銷售實屬維艱況現今五司官茶  
已積有百萬餘封塵堆在庫再加每年應收新茶  
已積二十七萬餘封若不亟行設變將來遞年累積難  
免沓爛之虞

國課反致虛懸再查茶商交納官茶昔年俱以黃茶  
天恩交庫其質低薄商人自賣俱係黑茶其價高昂臣

思昔年輸納黃茶原爲招番中馬今既不中馬所  
納之茶乃係變價歸課之項臣請自雍正四年爲  
始應納之官茶飭令各商一體交納黑茶不許仍  
前高低置辦則官茶商茶均易銷售而

國課亦不致虛懸再查官茶壅滯難於發變皆由私  
茶橫行而地方營汛各官非關切已稽查不嚴所  
致是以臣到任之始照依鹽法之例通飭陝甘所  
屬各地方文武官弁盡力查拏近日私販稍覺斂  
跡臣請嗣後地方文武官弁如有勤於緝私拏獲  
多販者按照拏獲私鹽例議敘將所獲茶內酌量

分數給賞兵役以示獎勵倘或怠玩縱私一經查出官弁糾參兵役嚴處庶文武各官咸知儆惕於茶政實有裨益是否可行伏候

聖裁謹

奏

茶政之弊甚多朕實未達卽爾甫到甘省據所聽聞一二人之論亦未必能洞悉隱微朕意與其於未透徹時急遽更張不若俟深知灼見後再爲酌劑庶免後日仍復改正朕旣未洞徹其事不便批諭是否全賴爾秉公詳審爲之仍與督臣岳鍾琪商酌川陝之事伊甚熟諳

可與之斟酌定議應題者具本題奏早之與雨對酌

雍正六年五月二十一日甘肅巡撫岳鍾琪立謹

奏爲奏

聞事竊臣前奉

命親往西寧料理官兵出口事宜查蘭州莊浪以至西

寧一帶地方因雨水稍覺愆期疫癘流行兵民皆

有傳染臣仰體

皇上敬

天勤民之至意隨行令布政使率同文武官弁虔誠祈雨

藥面配合太

硃批諭旨

三

莽鴟立



藥茶在寧分發各營弁兵凡有傳染者三五日即  
皆全愈今蘭州西寧各地方於四月二十一及  
二十九等日連沛霖雨疫氣全消蘭州又於五月  
十八九兩日連得大雨四野霑足又據平慶臨鞏  
四府稟稱四月初十二至二十六等日俱  
得甘霖雖尚未霑足而夏苗可保無虞秋田亦可  
播種從前疫氣雖多傳染目下已經漸退寧夏府  
稟稱四月二十三至二十七等日大霑甘霖入土  
約有五六寸查看大清唐漢三渠水澤俱十分充  
足從此及時灌溉田禾可無乾旱之虞雨澤既降

深慰朕懷麥秋收成數為何未經奏聞

疫氣全消甘州府稟稱四月二十一二兩日陰雲  
微雨雖未霑足目下雪山冰泮儘足灌溉民間疫  
疾幸止臥病四五日即愈涼州府稟稱四月十七  
二十二二十九等日大雨滂沱四野無不霑足雖有  
疫疾傳染然越三日即愈並不為害肅州廳稟稱  
肅州地方灌溉田苗多賴雪山之水現今渠水疏  
通禾苗茂盛兵民並無疫癘此皆仰賴  
皇上至誠愛養感召  
心慈愛所染皆輕而愈亦甚速所以不至傷損人民也

天和所致臣謹繕摺奏

聞謹

殊批諭旨

三

莽鴟立

奏

覽

雍正六年六月初一日甘肅巡撫臣莽鵠立謹

奏爲奏

聞事竊臣奉

命前赴西寧料理官兵出口事宜於四月初六日自蘭起程十二日到寧臣隨督率道員殷邦翰劉之瑣等將官兵需用裹帶口糧米麵等項分頭趕辦齊完各路官兵陸續先後俱已到齊嗣於四月十六日總理西藏軍務左都御史臣查郎阿副都統臣

邁祿等到寧議將大兵分爲二起擬定五月初一初六兩日起程於二十三、四等日據西安府通判張勤寵等各押解一、二、三起騾頭并帶鞍屨等項陸續到寧隨據總理運糧官臨洮道盧官保等詳稱查驗解到鞍屨澆薄兼有破損繩索籠頭嚼環又多不全等情臣卽一面咨明督臣一面飭令殷邦翰等將破損者星夜修補頭起官兵於五月初一日起程臣隨於前一日飭令盧官保等檢選鞍屨連夜先行裝備米麵馱載於初一日隨頭起官兵起運出口是日臣等公同出城親送官兵起程

查看鎮臣周開捷力言軍糧重大關係匪輕必須  
另辦寬厚羶屨方於長途有濟公議官兵既已起  
程卽令先行出口至阿什漢水地方等候將糧馱  
暫行停卸俟鞍屨辦完再行趕送隨將糧馱暫卸  
教場而騾頭多係初駕生性未馴已多奔散除民  
間收穫者繳還外其餘奔失騾頭遍尋未獲者二  
百餘頭臣因軍需緊急刻不可緩卽令暫動軍需  
銀兩一面飭令將騾頭購補足數一面委官分頭  
各處採買羶片星夜置備先行儘數趕辦分交各  
營官兵俱於初六日起程至阿什漢水地方會齊

聞津其趕辦不及之鞍屨臣督催修整不二日內如數  
完備卽將初一日所留頭起兵糧盡行裝馱於初  
八日委官趕運送至阿什漢水地方交明官兵前  
進臣隨於五月初十日自寧回蘭訖除將另辦羶  
屨并買補騾頭借動銀兩現在飭查核明確數到  
日咨會督臣酌議分別著落賠補還項外所有大  
兵前進及臣拮据料理無誤緣由謹繕摺奏  
聞伏乞

皇上睿鑒謹

奏

硃批諭旨

三

莽鵠立

汝雖拮据料理無誤亦難免從前差委不得其人之咎  
觀於此緊要軍需尚如是疎忽則地方官懈玩不實心  
任事之風仍然如舊甚屬可惡更聞所雇趕騾番子夫  
役人等皆赤身至寧是何理也可會同岳鍾琪嚴察叅  
奏重處以警其後不然此惡習所關甚巨何能改革汝  
等絲毫毋得姑息瞻顧若少有疎縱恐累及汝也此摺  
批發之後岳鍾琪叅摺亦到二摺所奏已有旨諭部矣

雍正六年六月十三日甘肅巡撫臣莽鵠立謹前

奏爲奏

聞事竊照甘屬夏禾情形經臣飭行布政司查報去後

茲據報稱平慶臨鞏四府所屬地方夏禾豆麥正  
在吐穗糜穀現在播種雨水調勻又甘州府所屬  
地方夏禾現今生發尚未吐穗揚花又涼州府所  
屬地方夏禾正當滋長復得甘霖必獲有秋惟所  
屬武威縣地方有微被冰雹之處現在差員查看  
另報又西寧府所屬地方土冷播種甚遲夏禾小  
麥青稞現在滋長尚未吐穗又肅州廳所屬地方  
夏田俱各茂盛又寧夏府所屬地方夏禾茂盛糜  
穀現在播種等情彙報前來所有甘屬夏禾滋長  
間藪情形理合繕摺奏

殊批諭旨

三

莽鵠立

聞謹

奏

似爾此等巡撫朕知地方必無豐收之理

天降冰雹惟在莽鵠立陳時夏魏廷珍之所屬地界中亦

大奇可畏爾甚不妥慎之慎之總之爾枉已徇人之病

再不能改諄諄教訓不肯領受奈何奈何

雍正六年七月二十七日甘肅巡撫臣莽鵠立謹

奏為據實奏明仰祈

聖鑒事竊臣前奏大兵起程日期及臣拮据辦理軍需

緣由一摺奉到

硃批諭旨跪讀之下臣不勝感激惶悚戰慄之至竊臣

才本庸愚性復迂拙荷蒙

聖恩補授甘肅巡撫到任之初正值辦理軍需督臣岳

鍾琪久歷戎行且熟悉邊地情形一切預備事宜

既聽

他人料理現成之事尚不能辦何顏覆奏也

皆聽督臣總理調度檄飭司道備辦臣准照督臣

咨移飭催司道等官遵奉辦理於三月內接准督

臣咨稱通飭各屬解寧騾頭各按程途遠近計算

出口日期於四月盡五月初到寧餵養約以十日

為期等因迨總理西藏軍務吏部尚書臣查郎阿

等於四月十六日到寧始知官兵擬定於五月初

一初六兩日起程督臣檄令各屬解寧驛頭於四  
雖無餵養之暇亦無有三日不給水草致令牲畜奔逸  
月盡五月初到寧隨到隨即起程勢屬匆忙是以  
之理此等狡辯飾非殊屬悖謬

無在寧餵養之暇至於西安解送三省驛頭雖經  
分作八起運解但未另委賢員督率調度而押解  
未聞委用

官弁又因起解稍遲惟恐落後違誤不肯挨次循  
行亦有越站夜趕者甘屬店房窄小槽道無幾住  
宿不開若欲一齊牽送則村少人稀一時難覓多

夫又兼三省驛頭接踵而至該縣等才乏肆應以  
致人夫缺少不能一齊牽送更屬可笑也臣一聞稟報當即飛

行差員前往疏通驛頭催夫料理於五月初五六

等日始得陸續到齊至解到驛頭併鞍屨等項俱

係總理進藏運糧官事務從前臣原委涼莊道殷

聖恩邦翰進藏總理後經督臣以殷邦翰另有用處飭

司改委臨洮道盧官保進藏該道驗看印烙收餉

三省驛頭一時擁擠驗收不及以致解驛官弁竟  
等情弊為何於前摺隱匿朦混不奏

有乘機朦混將驛侵隱少交者更有牽驛兵丁撒

手跑失者以致驛頭短少盧官保自知驗收不慎

情願自行賠補足數起運出口後經臣察訪有解

運驛頭之涇州州判王以中串通兵役混行牽拉

顯一府驛內竟少交驛二十九頭臣已經咨會督臣

殊批諭旨

三

莽鴿立

題叅嚴究至於各屬驟頭解寧稍遲鞍屨又不如法  
怠忽誤公理合卽行嚴叅因彼時官兵立待起程  
鞍屨等項隨到隨修亟須趕辦急如星火若將各  
官遽行究叅人心惶惑則官兵起程日期勢必違  
誤臣本庸愚似此緊要軍需不能督令料理周備  
臣罪固所難辭若以重大軍需坐視違誤止叅  
一二屬員尚云不敢似此隱匿不叅又當如何不敢  
也觀爾大有喪心病狂光景  
聖恩命臣會同岳鍾琪將怠忽誤公各官嚴察叅究除  
現在會同督臣嚴查  
當日既不敢叅今日仍當不敢拚將爾之首領保全屬  
題叅外臣謹將辦理軍需一切情形據實

官功名市恩欺主方爲始終如一也  
奏明伏乞

皇上睿鑒臣不勝惶悚待罪之至謹

奏

待罪自不必言惶悚亦遲矣

折衷自不必...  
奏

皇上睿鑒...  
奏則...  
旨...  
奏

硃批西琳奏摺

雍正五年十二月十八日西安巡撫臣西琳謹

奏為奏

聞事竊臣於十一月十五日跪請

聖訓荷蒙

教誨周詳聖旨諭旨

恩逾顧復感激時深遵

旨即於十六日起身是夜宿長新店戌時降雪起至次

日申時稍止從此由山西直至西安於十六七八

等日處處俱降大雪自一尺餘至三尺餘不等來

硃批諭旨

西琳



年二麥豐收可必至沿途米價小米每斗價銀自一錢至一錢二三分不等豆子自六分至八分不等麥子自八九分至一錢一二分不等其錢價每銀一兩換大錢九百八九十文至一千一二十文不等理合繕摺奏

聞謹

奏

深慰朕懷陝省尚未奏報得雪正在憂念之際覽此奏如獲珍寶朕懷釋然矣

雍正六年二月初九日陝西總督臣岳鍾琪西安

巡撫臣西琳謹

奏為請

旨事竊照署撫臣張保以撫標遊擊孫王法等詳稱西安布政使張廷棟支放官兵俸餉短平緣由具摺奏請一案臣西琳面奉

諭旨令臣等確查具奏欽此臣等遵卽親審據張廷棟供稱向例支放俸餉係面同領餉之員驗過部頒法馬逐平彈兌如有平針不對雖分數之間亦必補足兌準今雍正五年十月二十三日據各標營守備千總黃都等支領十一月俸餉銀兩彈兌之

時面詢該員等有无不足據該員等各云數足遂  
交明領去今以領去之後復言短少委係過手難  
憑等語詢之各營備弁又堅供實係短少臣等隨  
將司庫法馬併各營包分散餉戥子當堂較對查  
備旨十一月係小建每兵一名該餉銀二兩七錢即取  
部頒法馬兌明入戥稱較計重二兩七錢五分是  
每兩該多銀一分八釐有零確係平重戥輕則該  
司之支放並無短少而各該備等之用輕戥分給  
顯有剋扣情弊乃前任署撫臣張保不行查明草  
率具奏甚屬不合查散給俸餉俱係守備經管既

有剋扣自應

題參至於各該營副參遊擊等員失察之咎亦應參  
處但臣等查西安督撫兩標以及火器城守等營  
副參遊擊等官若盡行

題參革職律擬則九營皆虛一時

題補不得其人仰懇

皇上天恩或將各營失察之副參遊擊併歷任未久以  
聞及署事之守備等員暫寬參處止將久歷營務明  
旨交知平重戥輕之將備據實

皇題參以肅法紀臣等未敢擅便伏乞

皇正訓示遵行所有奉未頒發對分  
旨交叵等確查緣由理合繕摺奏

聞仰祈聖事之旨仰祈聖事之旨仰祈聖事之旨仰祈聖事之旨仰祈聖事之旨  
睿鑒謹恩如朕各當大察之四餘嚴舉世祖未入以  
奏辭不替其八洞懸

既係歷來相沿陋弊猶屬可恕小過姑寬察處惟當嚴  
加申飭以戒將來至張廷棟曾經飭諭其諸凡謹慎今  
於此事雖云無涉其辦理支放時必有不協處以致有  
此番嗣後朕或再有所聞斷不輕貸也嚴諭伊知之

西安巡撫臣西琳謹

奏為奏請

聖裁事臣自到任以來細檢案件見竊盜諸案州縣報  
到批令緝賊之後在上司竟無片紙行催而州縣  
亦竟無隻字申覆臣查舊案內有失物甚多者有  
搶奪傷人者有夥賊衆多者有強竊情形迹涉疑  
似者乃槩置沉擱揆厥所由或因竊賊照案緝拏  
例無定限所以彼此漫不經心殊不知安民莫先  
於弭盜而弭盜最切於清源欲清其源則竊賊烏  
可不嚴夫竊賊者即大盜之漸其掏摸剪綯鼠竊  
狗偷之事州縣即行發落必不通報督撫若至通

報必係事不容已勢難隱諱之案則是竊賊三項原有輕重大小之不同若不另定處分槩以竊賊定案則盜風何能止息以臣愚昧之見請嗣後凡有報到盜案查明果係是竊非強照例免叅疎防然竊賊亦不可不定限緝獲未便容其遲緩可否報部立案初限六箇月不獲賊者作何定議處分並限四箇月不獲賊者又作何定議處分并州縣有前項竊賊不通報上司上司不報部立案者又

如何處分俾各官俱有警惕知竊賊即須緝獲案件不容沉擱似於弭盜安民不無裨益是否可行

睿鑒施行謹

奏

覽奏可見實心任事處諸務咸能似此精勤何有廢弛朕甚嘉悅勉之但此事全在爾等督撫隨宜嚴為勸懲若奉旨議定條例則案件不勝其繁矣且據汝奏中亦言竊盜原有輕重之不同即此分別輕重其間又滋無限弊端也州縣有司各員之勤敏闕茸爾等苟一留心訪察諒不難辨別倘有遇盜竊等案漫不經心怠惰不理者何事何時不可以指叅耶議定處分之說似可不

必然竊盜一事最爲民害理當嚴緝亟須申飭屬員勿使稍有怠忽

雍正六年三月二十六日西安巡撫臣西琳謹  
奏爲奏

聞事竊臣查驛站關係緊要屢檄嚴飭驛傳道金南瑛令其各處查點又一面密委筆帖式千把等四路分查前據驛傳道金南瑛以渭南縣驛馬缺少疲瘦詳揭正思根究確實旋據委查東路之筆帖式佟愛把總李國蘭回稱渭南縣驛馬並未缺額而疲瘦者止有六匹與驛傳道所報迥不相同隨又

密遣試用縣丞王名標至渭南縣查點與驛傳道所報符合隨將渭南縣改教知縣尹仕任題請革職究追將該筆帖式把總等發按察司嚴審有無徇情受賄等弊前經

題明在案今據按察司詳稱渭南縣驛馬原係缺少疲瘦因佟愛等到驛時兵房馬夫謊稱出差未歸及其復回查時乃借民馬影射抵充又將勞傷不堪之馬亦不細查填註雖無徇情受賄然難辭疎忽之咎詳覆前來臣伏思佟愛李國蘭奉委稽查並不實心慎密明係疎縱玩忽不能供職之員已

咨吏兵二部斥革外查臣標額外把總二缺係康熙四十二年恭逢

聖祖仁皇帝西巡將臣標左營領旗金養德張立漢編刺特恩用為把總並非為臣標經制而設也理應裁汰今斥

革李國蘭之缺應以額外把總徐子茂調補其額外把總之缺不必另補再左營額外把總張其蘊之缺俟該弁缺出并行扣除則冗員省而符經制矣理合繕摺奏

聞謹

奏

可嘉之至事無巨細咸肯如此執法毫不假借方為不負朕之知遇也勉之

同日又詳軍營日常隆寺與來僧力勸勸諭  
奏為奏

聞事雍正六年正月十四日准宗人府清字來文內開具署西安將軍富寧安在延信署內書房見有民人亞二名道士一名搜有道士牌單修養圖書五星通目善鑑性理等書其民人一名馮玉供係貢生在延信處教書牌單書修養圖是向東關道清觀金道士處借來看的士名孫永成供係醫生因看馮玉眼

疾進署其道士周乙正供向在甘州東山寺出家  
雲遊至田家灣住因尋貝勒來此等因具奏奉  
旨著將馮玉等留在家中情由交與派出審問延信大  
臣二并嚴審具奏行文該撫將有無別情之處嚴審  
具奏該衙門知道欽遵移咨到臣隨傳同按察使碩  
色拘提馮玉孫永成嚴訊所供俱與宗人府來文  
無異詢據周乙正供小的是甘州人在東山寺出  
家因延將軍當日常到寺裏來與我師傅講道所  
以認得後來師傅死了我朝武當山回來七月裏  
路過到這裏街上撞著延將軍家人鎖住兒帶進

見延將軍與了小的些米就在田家灣八仙庵住  
下上年十一月初十日又想去化緣進署就被拏  
了復夾問周乙正延信常與你師傅講的是什麼  
奏道你當日說來尋貝勒你尋他做什麼你既認得  
皇上鎖住兒延信家的事你必定知道據供當日師傅  
問小也沒對小的說講的是什麼道但聽得說是修養  
工夫來尋貝勒實是為化緣的那鎖住兒當日也  
到寺裏來過認得的還認得一個保祿兒他也說  
會講道如今他兩個都到京裏去了別的事實不  
知道等語臣再四嚴審馮玉孫永成周乙正僉供

並無別情而周乙正所供延信家人鎖住兒保祿  
兒俱已回京無憑質訊除將馮玉等仍行監禁外  
伏查此案理應具由數語一圖新報與出  
題但審無別情合將供情繕摺奏派隨封京當日  
聞伏候 欽此 小臣等謹將原供錄呈伏乞 聖鑒  
皇上諭旨遵行謹 奏 伏乞 聖鑒 欽此 當  
日 奏 錄 於 當 日 錄 來 奉 具 詳 於 卷 內 於 是 日 前  
覽奏知道了已交承審此事之王大臣存案矣 是日  
雍正六年七月二十五日暫署西安將軍印務巡  
撫臣西琳謹 奏 伏乞 聖鑒 欽此

備奏為恭謝

天恩事 臣於本年七月初七日接准兵部咨文荷蒙  
皇上特恩命 臣暫署西安將軍印務聞 臣  
命之下惶悚無地即於本日任事已經遵例  
題報外 臣自當矢公矢慎刻加勉勵以圖仰報萬一

天恩再 臣查西安駐防八旗滿洲蒙古漢軍內積有協

領參領佐領防禦驍騎校等共四十一缺自雍正  
四年延信任內至今未經員內缺出未幾餘咨

題請補放竊思設官分職各有專司員缺何可久懸



朕令臣將協領參領佐領等缺見在會同副都統臣  
尼瑪善等於應行補放人員內細加考驗給咨赴  
部引驗其前由該處補放共四十一員自雍正  
見恭候臣查西交捷由八旗滿洲蒙古漢軍內  
欽定其防禦驍騎校等缺臣查雍正五年十月內有揀  
選八旗滿洲蒙古漢軍驍騎校領催送部引驗一  
見蒙不敷剩無缺缺本日丑事日餘數月  
皇上特放五員外其餘記名應補防禦四十三員應補  
天恩驍騎校一百五十名臣當欽遵其補咨文荷蒙  
諭旨內名次先後挨次

題補不敢再致因循使員缺久懸也伏乞共宗殿三  
皇上睿鑒謹  
奏對甲辰各節查該部呈請民交轉員計共四員  
所奏是補放各員應陸續題奏至一切振作整飭之舉  
俱可不必爾不過暫行署理遇有令官兵感激之事為  
之可也朕尚欲命傅爾丹詣陝有與岳鍾琪密商之事  
且常色禮亦將次到來矣

同日又萬二千五百一十四石零引五石零餘間  
奏為奏下銀四萬二千八百二十兩零朱宗本會  
聞事臣自到任以來陝省各屬倉庫錢糧徹底清查內

聞事有節年民欠自雍正元年至二三四五等年共未  
奏完地丁銀四萬二千九百二十兩零未完本色糧  
三十六萬二千五百一十四石零臣正在清釐間  
仰蒙我

皇上特頒

諭旨令各省督撫布政司等因地制宜臣恭繹

聖諭已無微不至隨即斟酌立法通行各屬令其按里

按甲逐名確查造冊呈報另委幹員協比如有包  
皇上攬抗欠者卽令監禁追比至於實在民欠者令其  
懇導輸將迄今數月以來據各屬報到共完銀三

萬三千五百餘兩共完糧三十三萬九千餘石其  
餘未完銀九千三百餘兩未完糧二萬三千四百  
餘石皆係實欠在民不過零星尾數耳今秋收在  
邇大有可必俟秋成之後則尾欠自可全完矣爲

此謹言

奏

覽所奏情形陝省錢糧似易於清楚也朕深爲慰悅諸  
凡與岳鍾琪商酌而爲之

一查得陝西錢糧無大虧空而倉儲之弊在所  
不免或借存七糶三之說或借以米易穀之故

那前掩後不無支飾今歲秋收豐稔穀價甚賤  
惟在盤查之官不少假借便可買補足額至於  
甘屬頗聞虧空又寧夏地方有因派軍需而村  
民逃避者遠路傳聞尚未得其確實也

一陝省賊盜甚多在民間者姑無論但就官署  
而言除本年正月內岐山縣署中失盜已經叅  
職出外四月初八日涇陽縣被盜署知縣胡蛟齡  
帶傷逃脫五月初二日漢中府署被盜又聞先  
於去年冬曾被偷竊六月內鳳翔府守備署中  
被盜沔縣知縣署中被盜七月二十八日潼關

撫民廳署中被盜八月初七日朝邑縣知縣署  
中被盜九月內新任西安府知府王紹文赴任  
於途中被盜其餘臣未聞知者想亦不少數月  
之內疊聞盜竊竟視爲常事上下隱諱希圖免  
過乃不知盜風從此而長矣  
一陝省官員強半委署朝更暮改重複移調官  
員皆視爲旅次惟交盤之不遑何暇理及民事  
夫親民之官使之席不暇暖則風俗何由而知  
政務何從而理臣雖不得與聞實未解其何故  
也

一巡撫西琳器局褊淺動作乖張不達政務而  
專好小利每接見屬員有二裁縫旁坐縫衣不  
起凡地方緊要事務不一聽聞大小官員莫不  
駭異又前藩司馬喀變價官物凡金珠貴重之  
件巡撫勒令咸長兩縣交送撫署以至新署咸  
寧縣知縣張典以馬喀官物不清既無原物又  
無變價之銀不接前任交代又巡撫有不用之  
二幕客一姓王薦於臬司碩色一姓鄧薦於糧  
鹽道杜濱闔城官員無不嗾其鄙陋  
一原任咸寧縣知縣胡增瑛去冬領張晟虧空

案內銀兩買米侵冒銀約四千兩與原任知府  
蔡璉進一美妾互相欺混藩司張廷棟爲其所  
愚轉詳巡撫照數准銷今春總督訪知要參巡  
撫竭力庇護蔡璉是以總督止將驟行一事參  
審至今口聲沸騰

望即一原任潼關撫民同知今陞涼州知府菩薩保  
皇上徵收稅銀不照則例額外加倍勒收本年六月  
間潼商道張正瑗提驗底簿該同知以假簿送  
閱張正瑗持簿至省面稟督撫會同藩臬訊明  
不照則例加倍徵收是實額外勒索飯銀是實

侵匿稅銀四五千兩是實乃遷延日久令該同知倒塌年月自首銀二千兩上下彌縫和同完結臣蒙

皇上面諭各省庇護屬員之習牢不可破觀此乃知聖明在上無遠不照且由此推之各處侵蝕稅課上司不能查察卽查出而有心狗庇者當不止潼關一處爲然也

一本年九月二十六日總督自外回署時有一男子持書一封向總督言我師傅教我下山來與公爺投書隨帶進密詢次日又聞會同巡撫

關中臬司密詢其書中情由及如何查詰臣無從知

只聞係湖廣人亦未悉其姓名言語可疑情形

恩恩且怪異不知曾入

天告否臣至微極賤荷蒙

皇上特達之知凡事不敢瞻顧謹就所知據實奏

聞

西琳被人如此叅奏返躬自思何顏立於天地之間耶朕所用滿洲外省大臣中多無恥不廉器局狹小其所以然之故朕實不解朕閱此奏之後隨於各處訪詢爾雖無大貪之處類斯營求小利等事不可枚舉總因汝

殊批諭旨

十四

西琳

出身微賤福量淺薄不克負荷耳滿臣之顏面被爾輩  
一二喪失天良之人壞盡矣朕除愧恨之外復有何論  
嗣後若不洗滌肺腸痛加俊改身家性命卽在眼前非  
但辜負朕一番擢用之恩而已也

雍正六年十一月初九日陝西巡撫臣西琳謹

奏爲恭謝

天恩事竊臣齋摺家人回陝荷蒙

恩賜月餅奶酥餅蜜餞荔枝果品各件臣跪迎進署恭

設香案望

闕叩頭謝

恩祇領訖臣自愧庸愚報稱未能日深惶悚荷蒙

聖主垂念微末隨時

賞賚觸目警心感愧無已惟有凜遵

聖訓勉圖仰報萬一爲此繕摺恭謝

天恩謹

奏

可惜朕恩悞施於汝輩無恥負恩之徒耳

臣等知恩州道...

奏

天恩

聖主垂念...

賞賚...

聖主...

恩...

殊批法敏奏摺

宮差雍正元年五月十二日直隸巡道臣法敏謹

奏為奏

聞事竊臣至愚極陋才識短淺荷蒙

皇上特恩由內閣侍讀補授禮科掌印給事中毫無寸

皇上效旋授直隸巡道屢次

召見荷蒙

天語褒嘉臣何人而遭逢

知遇如此其隆也伏思

畿輔要區幅輳遼濶刑名驛傳關係匪輕臣膺茲重

殊批諭旨

法敏

任益切悚惶惟有勉竭駑駘潔已率屬以仰答我  
皇上宵旰靡寧勵精圖治之至意謹將臣到任後以及

梓宮差竣回署後行過事宜敬為我

皇上陳之

一各屬解審案件去歲因

聖祖仁皇帝升遐停止辦事隨接封印前任巡道宋師曾

表俱未審理以致案犯堆積臣甫經到任恭遇辦送

梓宮差務兼值東作方興若再令守候恐致廢時失業當

甚是不拖累無辜善政也 梅批即詳明巡撫將案內無辜牽連候質人犯概行發

表回保候并屍親有情願免解者聽其自便今臣差

皇上竣回署後晝夜辦理積案已稍得清楚矣

一直屬自軍興以來驛站馬匹率多勞疲臣通飭

加謹餵養臚壯供應差使今已將廢弛驛務之定

好 興縣知縣程揆揭報在案

一訪聞直屬地方每有不法姦民在於村莊立壇

是 設教聚眾斂錢煽惑愚民現在嚴禁查拏

一直省風俗設有廟會商賈集場往來雜遝因而

流民地棍大開賭場廣招匪類名為進香實為盜

嚴禁 數現在出示曉諭并令地方官不時巡查

殊批諭旨

法敏



一驛站俱設有車輛聞各驛每遇供應差使不敷  
輒拏民車應用姦胥蠹役卽借端漁利額外多拏  
任意勒索無論行客鄉民羈絆中途甚屬苦累今  
如遇大差額設車輛不敷飭令給價預雇外其前  
是極

項弊端現在嚴行禁止

以上數條皆係臣到任後辦理之事謹繕摺備悉

奏

聞伏乞

皇上睿鑒謹

奏

覽所奏朕甚嘉悅若更能加勉爾將來可大受朕委任  
之恩極宜自惜

雍正元年八月初一日直隸巡道臣法敏謹

奏爲奏

聞事臣訪有寶坻縣莊頭焦國璧弟兄六人恃富兇橫

殘忍不法除同巡撫李維鈞另摺參

奏并現在密訪不法棍徒一有兇橫害民確據卽同

巡撫密叅陸續拏問外查旗人命案向係報部部

咨一到卽飭地方官帶犯赴保會同理事廳審轉

蓋因州縣官無刑訊旗人之例是以檄令會審原

其初意乃專指謀故鬪毆殺等重案例應刑訊者而言至於自盡命案死係自取既無抵償之條又無應加刑訊之人若不分別輕重一例會審非特地方官往返需時貽誤公務抑且干連人犯長途解審拖累堪憐臣愚以為除謀故鬪毆殺等案仍照舊例令其會審外其一切自盡報部命案應令地方官取具確供如情罪供證已明者免其解質止具詳由理事廳核轉其有恃旗狡展者令摘緊要犯證解赴理事廳自行審轉庶案犯得免羈候拖累之苦而地方官亦無往返誤公之虞矣臣會

經申詳巡撫轉請

題達在案合先

奏明伏乞

皇上睿鑒俯允施行謹

奏

此奏甚是傳諭巡撫令其照此具本聲明爾轉詳緣由題奏  
雍正元年八月二十八日總督倉場戶部右侍郎

詎法敏謹

奏為奏明事竊臣等自通州起身沿河查催糧船於

本月二十七日在馬房地方接讀科臣崔致遠等  
條奏內

硃批諭旨欽此欽遵臣前蒙

皇上面諭漕運緊要并詢及今年可否不致凍阻又於  
本月二十日遣侍衛馳問雨澤水勢情形仰見我  
皇上睿慮周詳無時不以漕務爲念該臣查得今歲漕  
船因河水淺涸不能依限抵通較之往年已經遲  
滯兩月有餘又因節省脚價一案糧米三日未經  
進倉是以倉橋口袋堆至十萬有奇臣惟恐漕船  
凍阻有誤回空於

諭旨未到以前已令坐糧廳將通州民剝船隻星飛押

發楊村一帶地方起剝重載米石又移咨直隸撫

臣令其速檄天津通永二道將天津迤南剝船速

放過關又嚴飭大通橋監督將堆貯米石勒限盡

數入倉卽發回口袋又親詣石土兩壩督令坐糧

廳嚴飭運役每日儘力起運今口袋已經陸續發

回又公同由水路查催糧船沿途遇有淺阻之處

卽令坐糧廳人役多雇人夫挑挖深通使糧艘過

行又檄委東路捕盜同知自通州至河西務一帶

地方通州右營守備自河西務至天津一帶地方

專督挖淺庶運務不致遲緩又因今歲糧船到遲  
若不多備口袋則時日有限恐裝載不敷轉運遲  
悞查坐糧廳向有臣等茶果銀兩并該廳應得茶  
果銀兩內動用共置備口袋五萬條以供起卸以  
仰副我  
皇上慎重漕運恤軍愛民至意再  
硃批科臣崔致遠等條奏原摺合併

奏繳謹

奏

覽奏深可嘉獎如此方為實心任事今歲漕艘爾等若

能加意料理俾不至阻凍朕自另有恩賚

雍正二年七月十六日總督倉場戶部右侍郎

法敏謹

奏為仰體

聖恩一例起剝以便軍民以速漕務事准查倉御史張  
坦麟移稱查漕船遇淺必須起剝向係旗丁雇覓  
而民船因此射利不無刁措是以舊例坐糧廳按  
道里遠近酌量定價截留一應民船令該丁照數  
給銀彼此不得爭執昨至三里屯地方見漕船起  
剝照數給銀而剝米船隻尚無樂從之意訪聞河

西務地方剝米二百石之船徵稅銀一兩二錢又有燒酒巷馬頭兩處飯錢加以抵通食用獲利無幾故民船常視剝米爲畏途也查漕船運載漕糧一路關津從無納稅之例卽向來衛河以內遇淺起剝原係額設之紅剝船至河西務亦無納稅之事夫起剝原以速漕今以民剝而令納稅中間自多濡滯是欲速漕而反致稽緩矣況各省漕米事屬一體今山東粟米起剝現在不納稅銀而南省粳米梭米起剝獨令納稅不無異同之處相應請旨敕下直撫速行該管官嗣後漕白剝船隨到隨過一

例放行不得收納稅銀飯錢庶民船得邀微利而漕運亦得迅速矣等因前來臣伏思漕糧關係天庾稅務亦關

國課仰懇

皇上敕下直隸撫臣詳加酌議或竟行免其納稅或交於通水道在通收納庶無損於

國課而糧運亦無羈遲之弊矣爲此繕摺請

旨謹

奏

此一事爾等移咨直隸撫臣會同商酌妥議具奏

硃批諭旨

雍正二年八月初八日總督倉場戶部右侍郎臣  
法敏謹

奏為奏

聞事本年八月初八日有僧人正修自稱王府替僧求  
見臣即令筆帖式問伊住址及來此何事據云僧  
名四和尚在百齡寺住持係阿哥替僧從五臺歸  
來有通州經紀張崑山素係相識特來求見請將  
張崑山放天字號經紀等語查天字號經紀係總  
理一年運務之役臣等以運務所關不容徇私受  
賄於去年點放之時令滿漢坐糧廳公擇經紀內

聞至身家殷實十餘人臣等當堂鬪定以杜夤緣今僧  
人正修輒敢指名囑託殊駭聽聞理合密

聖奏請

旨批示遵行謹

皇奏黜另加補命益未當之至意時對京師官如陳  
王府豈有此等替僧一毫影響全無之事也殊屬大膽  
可惡之極即嚴拏夾訊審明定擬具奏此奏并朕此諭  
皆不必敘入本內

皇上雍正三年七月二十七日湖北巡撫臣法敏謹

聞奏為奏

殊批諭旨

聞事竊涖才庸智短荷

皇上厚恩屢蒙二十日賜拔擢兢兢祇懼惟恐隕越有負職守今復蒙

恩命巡撫湖北臣自到任以來彌切敬畏夙夜不敢自  
寧期有以仰副我

皇上牖民成俗治益求治之至意每接見屬員敬將

皇上諄諄訓飭期望內外臣工共相奮勉以襄至治之  
聖心反覆開諭凡在屬員咸感激鼓舞但其果能稱職  
與否臣到任未久未能周知尚容訪察奏

聞至於各處隄工因去年修築高厚今年江漢水勢雖

大並無衝決再所屬城垣現在行查其餘一切利  
弊俱俟細訪確實陸續舉行所有臣到任後已行  
事宜謹臚列爲我

皇上陳之

一楚省百姓向稱剽悍健訟者多每爲極小事俱  
懇至督撫衙門越告臣出示嚴禁如果有冤枉及告  
貪官污吏有贓證者方准呈訴

一查徵收漕糧錮弊多端州縣家人串通蠹役勒  
索陋規百般刁難臣出示將諸弊條列通行嚴禁  
以甦民困

一查湖北地方遼濶耳目難周恐州縣有那新掩舊以致虧空者臣嚴飭司道各府逐一盤查出具印結送臣查考仍細加察訪如有扶同徇隱者一併

題參

一查各屬所報自盡命案甚多皆因小忿細故輕生有司驗報批審經年累月不能完結拖累實甚臣飭各州縣於檢驗時當場備錄口供如驗無別傷及訊無威逼因姦等情者律得免罪卽行省釋報明在案倘有諱命捏飾查出究參

一各屬俱差家人等在省探聽各上司舉動以圖打點彌縫名曰坐省最爲可惡臣已出示嚴行驅逐矣

一驛站夫馬臣自入境以來見沿途馬匹疲瘦已行驛道通飭嚴查各令餵養臙壯加意整飭矣  
一湖北各屬地丁錢糧火耗每兩加一皆民間自封投櫃臣恐有暗加多徵之弊卽出示通行曉諭民間並嚴飭各屬無許陽奉陰違

皇  
一湖北地方七月內正濕熱交蒸臣到任後監犯報病者不一而足因卽轉飭各屬將輕罪人犯查



明保候重罪人犯嚴禁獄卒等凌虐以廣

皇仁

楚省各衙門鹽規已經革除巡撫向有荆關羨餘以作養廉經督臣楊宗仁署篆時將舊日添設稅口行查裁革臣到任後除報部稅口外將未經裁革之馬家嘴等二十九口亦俱裁革勒石永禁矣

以上事宜皆臣到任後所已行者是否允協謹據

實陳

奏伏祈

睿鑒謹

奏

知道了果能照此實力奉行何煩朕多為訓諭耶湖北盜案當嚴加察訪聞多有改強為竊及諱匿不報者亟宜留心毋忽

聖恩雍正三年九月初六日湖北巡撫臣法敏謹

奏為恭報秋成事竊照湖北地方目下晚禾收穫已遍今據布政使鄭任鑰彙報各屬收成俱有九分十分惟沔陽州及南漳縣係濱江之地因江漢水漲雖隨即消退其低窪之處收成止有六七分米

價上米九錢中米八錢下米七錢編氓樂業地方  
寧謐湖南各屬因臣署理督篆據布政使朱綱彙  
報秋成亦俱有八分九分不等茅簷蔀屋之下無  
奏不歡欣鼓舞感頌  
聖恩共樂豐年臣身任地方犬馬私衷倍深歡忭謹具  
摺奏

聞仰慰

聖懷謹

奏

閱奏深慰朕懷但類此等奏務須據實直陳毋得絲毫

粉飾切論者遇斯

上蒼垂佑豐收之年勸導百姓積蓄乃為第一要政當飭

諭屬員勉力行之不可徒為具文耕三餘一耕九餘三

慎莫視為迂濶之談也

同日又

皇奏為奏

聞事竊臣曾將所請事宜具摺奏

聞茲有詎近日續行事件謹臚列為我

皇上陳之

皇上一湖北人文向來稱盛近沐

殊批諭旨

皇上教養之恩士子益知奮勵誦習頗勤而或苦無指授未得師傅臣查武昌省城舊有江漢書院一所今擬延請品行學問堪為人師者俾之教授使各屬士子肄業其中量資膏火以仰副我皇上振興樂育之至意臣現在舉行俟有就緒另行奏聞

一普濟堂之設使老疾無依之人得有棲息最為善舉查雍正二年欽奉

上諭令督撫轉飭有司勸募舉行臣檢閱部文即商之司道各官皆樂於為善勸諭商民亦皆踴躍從事

此舉固屬善政但只可勸導樂善良民自為之汝等協助則可擬於漢口人煙稠集之處設立普濟堂一所倡率資助以推廣既不勝其煩且恐招集遠來無依之人過多至力不足時反令貧民失所也聖恩現在舉行俟稍有就緒另行奏聞

一湖北係通商之地各省商販貨物一到漢口等處必落牙行有等姦牙串通光棍誘騙商人貨物將客本侵吞不給苦累遠商為害實甚經臣訪知此一條當實力奉行乃分內應為之事也出示嚴禁并令地方官查拏究追以儆姦牙以恤

遠商焚斂買斂賣斂百數皆引銀兩文左一所在弁兵各有汛防之責約束宜嚴巡緝宜謹

臣訪聞各屬有怠於巡防及兵丁之親戚子弟倚  
果能使其不蹈前轍乃大有益於國家生民之事也勉  
藉營勢強買強賣滋擾百姓者臣嚴飭所屬文武  
為之

官弁加意約束不得復蹈前轍以期弭盜安民  
一武昌漢陽等處有慣作私媒哄賣民間子女者

應嚴行查禁  
又有湖南拐子潛匿城市誘拐人家子女販賣遠  
方使人骨肉分離最為可惡臣已出示嚴禁并檄

行各屬密訪查拏矣

一湖北社倉一事曾經前任督撫通行各屬在案

臣恐有司奉行不善或致擾民因轉行布政司通  
飭令將已經捐設者造冊申報其未經舉行之州

此當實心勸導為之斷不可稍協以威惟善於鼓舞方  
縣值此豐年務期實力奉行多方勸導但不得抑  
能有成也  
勒派擾倘有官役借端生事定即指名叅究  
以上諸條係臣近日所行事宜謹據實奏

聞伏乞

睿鑒謹

奏 謹此二十內封贈由本部詳請引見

所奏俱悉再廣東刑部文詳於本月三日陸左昌

同日又

奏為奏陳非熱甚後悉於三日委員接甲申盤具

聞事竊照新任督臣李成龍奉二日部降將文回念安

殊批諭旨

十四

法敏

旨著令速行赴任臣於九月初二日准到部文因念安  
奏徽入湖北境甚近遂於初三日委員送印已經具

疏日文

知道了題報矣再廣東撫臣楊文乾於本月初三日到武昌

奏擬於二十內扶櫬由水路起程臣謹奏

聞謹

聞奏

朕已有旨著楊文乾在任守制矣但伊何到武昌如此  
迅速耶

雍正三年九月二十一日湖北巡撫臣法敏謹

奏為欽奉

上諭事臣於本年九月初八日接到

硃批奏摺臣跪讀之下仰見我

皇上軫念地方弭盜安民之至意竊查湖北界連河南  
陝西四川江南江西湖南各省多係濱江負山之  
處匪類易於潛藏如八吉堡牌洲東江腦池野湖  
樊城等處皆向稱盜賊出沒之所經臣訪知即通  
上聖飭各屬實心巡察防禦在案今欽奉

聖諭謹遵再行嚴飭水陸各處文武力行保甲上緊  
巡查遇有盜案即據實通報嚴緝務獲不得仍前

硃批諭旨

瞻顧疎縱任意改諱臣仍留心查察兼有改諱情  
聖備弊卽指名計類繪水對各款文先代計科甲士累  
題參以懲不職以戢盜風謹案今謹奉

奏樊妣善與昔同縣盜類出受之阻礙引請朕明嚴  
爾等若不懲戒不職屬真朕自必懲戒不職督撫提鎮  
也地方文武大臣當和衷竭力勉爲之慎毋藉諉隣省  
虛應故事保甲之法最善各省奉行率皆有名無實此  
法若能實力行之卽可以弭盜也嚴捕緝以靖盜賊  
尤宜嚴查窩家更爲清盜源之良策也勉爲之

奏雍正三年十月十五日湖北巡撫臣法敏謹

大奏爲恭謝

天恩事臣齋摺家人恭捧

皇上賞臣哈密瓜到楚臣隨恭迎至署望

闕叩頭祇領訖伏念臣受

恩至重屢蒙

異數今復叨

天恩賜以

上方珍味臣不勝感激謹具摺

奏謝爲此謹

奏

硃批諭旨

覽爾奏謝知道了

遇朕施恩切毋因此高興放恣或遇朕訓責亦不必驚惶失措信朕之賞與罰總不如信己之是與非也凡百爾果克盡臣節朕自能全君道如此自省自求則君臣交孚倚信之情在其中矣內外諸臣咸能孤介自持秉公除私惟求合於天下後世公論行去何慮庶務不理耶勉之勉之將此諭亦與李成龍看

皇上雍正三年十月二十七日湖北巡撫臣法敏謹

天奏爲恭謝

天恩事竊臣至愚極陋荷蒙

皇上厚恩畀以封疆重任每次奏摺仰蒙  
皇上詳加批示臣跪讀之下如對

天顏親聆

訓誨知所遵循不勝感激近督臣李成龍奏摺欽奉  
硃批復令諭臣知悉臣叩頭捧讀仰見

聖心諄切期望臣等勉勵向上之意至深且厚臣雖愚  
昧敢不銘諸肺腑竭盡微忱惟有敬奉

訓旨時刻提撕警覺以圖上報

皇上訓勉盛心耳臣感戴

天恩繕摺

硃批諭旨

奏謝謹

奏

頃命布蘭泰巡撫湖南矣爾等三人可同心協力整理地方安輯兵民黽勉毋懈

同日又

奏為奏

聞事竊照湖北地方今歲收成俱極豐足惟沔陽一州向稱窪下本年九月內因江水陡發晚禾被淹經

臣委員勘明成災分數具

題在案所有災黎宜加賑卹臣暨督臣與司道等官

酌議現在公同辦買米石發往該州於四鄉適中  
奏之地分設棚廠煮粥施賑至明年正月底止務使  
窮簷老幼皆得就近赴食不致流離失所以仰慰

高皇我

皇上軫念民生惟恐一夫不獲之至意為此具摺奏

聞謹

天奏

此等事須當實力辦理勤為訪察萬不可被屬員下役之所欺蔽勉之

奏雍正三年十二月二十八日湖北巡撫臣法敏謹

硃批諭旨

六

法敏



奏爲恭謝

天恩事竊臣疊受

聖恩毫無報稱方切感愧今又蒙

天恩調補四川巡撫巖疆要地關係尤重臣材質愚鈍

惟恐不能勝任有負

聖恩不勝惶悚惟有誓竭駑駘勉圖報效以期仰答

高厚於萬一耳除恭疏具

題外謹具摺

奏謝再湖北地方本月十三日得雪尺許二十四五

等日又得雪七八寸不等明年二麥豐收可必萬

姓稱慶感頌

皇恩合併奏

聞謹

奏

湖北如此大雪實不易得朕懷深慰

天恩雍正四年三月十七日四川巡撫臣法敏謹

奏竊臣於本年正月初四日自武昌府起程赴川到

任沿途所過湖北荊州夔陵等處因去年臘月連

得大雪二麥發生甚茂至川屬夔州重慶成都等

處因冬春雨雪及時麥甚暢茂凡臣所至之處見

軍民人等俱各歡欣樂業蓋從前川省每多加徵私派苦累民間我

皇上軫念閭閻澄清吏治嚴行革除故軍民咸得受福無不感頌

天恩再查川省米價鹽價俱賤居民易於度日土著之人  
大率淳良風俗儉樸但本省人甚少而外省附籍者居多未免多事健訟然亦不過田土戶婚偷竊等事至於命盜案件向來稀少也臣道途所見以及訪聞情形謹具摺奏

聞謹

奏

知道了惟以無欺隱為務切記實力奉行為至要之言

同日又

奏為奏明事臣查川省地廣事繁土苗雜處臣性質愚鈍時恐隕越不勝凜懼惟有竭盡心力逐件詳加核實有應題者具

題應奏者摺

奏仰懇

皇上念巖疆重地時王景燾奏表世祖嚴人不可諸事須據實敷奏朕方可詳細指示若稍涉掩覆朕便賜指示訓誨俾臣得有遵守則地方幸甚臣亦幸甚又

殊批諭旨

三

法敏

訓誨亦不切中利弊何益之有

硃批諭旨發到前撫臣王景灝覆奏坵形號數人丁戶

此事當再三詳審不可欲速凡百與程如絲商酌仍須

自立主見則庶幾萬全矣

於地方百姓均有裨益再行具

奏臣謹首併奏

聞謹 愚強部忠則外不制稟駁其亦甚盡心代移會精

奏為奏明事臣查川省土司番蠻苗夷非比內地人

爾此任實所繫匪輕於內外無事時已屬緊要倘遇有

事責任更重當日夜兢兢預為籌畫以防備意外方不

負朕倚任之重也勉之勉之

同日又

奏為奏明事臣查川省土司番蠻苗夷非比內地人

民馴良畏法兼且有漢姦播弄生事亦有沿邊弁

員需索擾累致生事端者又有仇殺搶擄世相報

復者若該管文武果能共矢清正無一毫苟得之

念彼必心服知所畏懼臣現今通行嚴飭務期痛

奏改積習以安邊境嗣後遇有伊等互為報復自相

皇上擄劫等事令各營衛為之宣諭排解若竊掠內地

聞縣人畜等項檄令該頭目獻出犯人以憑審明照苗

民例處斷如有侵犯內地干法犯紀等事臣一面

硃批諭旨

三

法敏

會同提臣計議擒捕一面奏

聞總期邊境安戢不致滋事以仰副我

皇上綏靖苗疆之至意謹

奏

凡關苗夷之事岳鍾琪深為練達必推誠會商共相斟酌而行若事在緊急又當一論觀程如絲於此等處似不甚洞徹周瑛頗覺熟諳然識見平常惟岳鍾琪穩當而得大體朕意凡屬番夷苗獮雜處省分若能使文武弁員清正自持絲毫不取小利於彼可保無一事也是乃探本尋源上策當竭力勉此

雍正四年四月二十六日四川巡撫臣法敏謹

奏臣查川省邊界番蠻土夷種類不一其性皆非馴現今冤山鳥業等事悉照岳鍾琪鄂爾泰所咨移而行若少掣川致快機宜干係爾之身家性命也慎之係沿邊員弁需索生事所致臣以為撫馭之道貴

爾之在寬嚴並用倘一二頑梗逞其兇惡肆行無忌若

深悉夷情斷不至有過不及處且難戢寧邊境如番蠻

知地方事宜遂為犯不改情罪可惡者臣自當會同總

屬督提鎮一面奏未見顏色之瞽論耶不過據一二

屬員之書生管見即率爾道聽塗說公然具摺上奏殊

聞一面相機擒拏務必明正其罪以彰

國法使遠近番夷畏威守法至川屬軍民等府以及

殊批諭旨

三

法敏

又職武職有何分別  
界連土司之州縣衛所文職往往呼應不靈而彈  
壓稽查每事大率以武職為主從前各員弁循習

陋弊或發賤價勒買人畜土物或以內地布米等  
文職能免此等事乎  
項賤買貴賣責令交易或借追贓拏賊名目派取

供應恣意需索以致夷民難堪往往因此滋事我  
皇上德洋恩溥一視同仁所在弁員宜皆欽承

聖意於所屬土司既當示以威嚴尤當將以德意開誠  
自應嚴飭其威德兩用懲獎並施但止可論優劣如何  
布公懲惡獎善庶使夷眾悅服邊境安寧但防微

分文武耶若文職則漫無訪察可乎  
杜漸以期永遠綏靖又似有不可不預為籌慮者  
如近邊各員弁遇事不查其是非曲直從公科斷

軍功議敘從捨死忘生中來爾若能捨命立功然後可  
仍存偏袒苟且之念甚至僥倖軍功議敘遂生喜

發此論何言不量情一至於此  
功好事之心或至激成事端在  
觀爾已中爾屬員書生迂濶之病恐誤大事朕甚憂之

若不能辨別屬員欺騙之言何克當統轄全省之任莫  
免釀成大案戕殺多人殊非我  
皇上如天好生之德矣臣查閱案件此雖未有確據而

實為邊方隱憂臣雖經移咨提鎮并嚴飭近邊管  
土各官務以安戢邊境為主不得一毫苟且以致

開釁生事但必得欽承  
殊屬妄謬之至似此不達時務屈抑下情之論朕實不  
能出諸口

天語嚴飭督撫提鎮共相約束庶沿邊弁員皆知所凜  
遵而邊境賴以永寧矣是否允協伏乞  
殊批諭旨

殊批諭旨

三

法敏

皇上睿鑒施行謹

天奏... 治內地當先寬而劑之以嚴治邊夷宜先威而繼之以恩方克有濟朕非好大喜功偏於殘忍之主此數處番夷咸沐... 聖祖數十年寬仁厚德自應傾心向化總緣地方官不實

心任事苛求見小激出事端復隱匿養姦致令伊等恩不知感威不知畏所以大不法之案重見疊出今若照爾迂見而行爾能令所屬各員盡皆一塵不染乎倘再有不法事出將不肖員弁正法以謝罪於番夷乎抑別

有料理之法乎爾試言之若漫然不料事之始終亦並無深謀遠慮止據目下一二人無稽之迂談奉為指歸信而不疑是豈封疆大臣之識見也今爾所見亦不可謂全無用處但尚非其時俟將此歷來不法之積習極力振作整頓一番使伊等凜然知法當遵知威可畏然後再行爾此奏嚴飭將弁屬員遵守弗違彼時可保地方百姓永遠享昇平之福也此固一勞永逸之策當另為熟籌目下似此姑容將就支吾搪塞之居心行事朕甚不取當悉聽岳鍾琪潘之善等主見而行爾既不達向來情形不得一毫固執已見朕閱爾此摺甚為心煩

而增憂慮何也通盤主意全然不合機宜倘至臨期掣肘悞事朕命爾撫川朕之過亦難以解免矣爲此特諭將此諭密與佛喜程如絲三人同看不可再令一人知之

同日又

奏臣查川省地方仰賴

皇上福庇雨暘時若今當二麥漸次收割之時各屬約計俱有八九分收成所種菜花十分豐盛至於蠶桑處所因晴暖及時皆倍獲其利人民樂業俱各歡忭共慶昇平臣謹據實奏

聞仰慰

聖懷謹

奏

爾到任未幾若妄意以爲自所感召而致者則謬矣

同日又

奏臣查四川學院向例新進各生每人呈送學臣費

見儀十兩十二兩不等約計通省學臣一任有三萬餘金相沿已久士子皆所樂從則學臣除養廉之外儘有贏餘而各州縣又每於學臣按臨考試之時派取民間供應責之里下胥役人等不免從

中需索侵蝕輾轉滋弊甚屬累民臣不避嫌怨通  
飭各屬嚴行永禁至學臣任蘭枝校士公明聲名  
好各屬士民以爲從前歷任所不及理合一併奏  
聞謹  
奏  
似此小事輒爲不避嫌怨之語足見怯懦無能奈何奈  
何殊屬可笑之至若如此逢人逢事縮手縮脚畏首畏  
尾地方上一事豈能辦理耶

聖旨 同日又

奏爲查明覆奏仰祈

睿鑒事竊照前撫臣王景灝覆奏川省坵形號數人丁  
戶口一摺欽奉

硃批此內有條奏者朕發與王景灝議奏之事不知妥  
否爾再斟酌具奏欽此欽遵臣查川省自遭獻賊兵  
燹之後土曠人稀地方各官惟患民寡遂有報糧  
升合而沾地數畝者界限遼濶田多荒蕪是以前  
後屢奉劄入一則課之此非豈非累民不督清湖

旨招徠民人填實地方川省遂大半皆秦楚之民雜處  
因而欺隱侵奪爭告無已今若設立坵形號單給  
與執照誠可永杜爭端但全川田地惟近省數州



縣爲平疇沃壤其餘皆屬高山峻嶺密菁深溝犬  
牙相錯荒熟相間今欲倣照江浙魚鱗冊法分別  
自註本名田地繪圖造冊編號非逐畝清丈不可  
而道路險仄一州縣之地非經年累月不得清晰  
是以前撫臣王景灝摺別擬冊法之荒蕪長以前  
奏有非日月可計容臣折衷至當徐徐奏  
聞之語也臣荷蒙  
聖明垂詢敢不悉心籌畫惟是川省幅員遼濶接近番  
蠻按形編號言之甚易而行之甚難查川省開墾  
畝之田從前部議准令百姓自行首報增糧如有不

肖官員藉此擾累督撫卽行題參奉  
旨依議欽遵在案近年以來據各州縣陸續首報賦稅  
正在漸增之時臣現在嚴飭各屬諭令紳衿兵民  
將已墾熟田據實首報毋得隱漏其荒蕪之地務  
必實力勸民開墾毋使閒廢再川省控告呈詞爲  
侵佔田土者居多嗣後莫若因其控告卽行查明  
有指證者令各州縣務必親行勘明清丈有隱匿  
之熟田仍押令遵示首明其霸佔之荒田俱令退  
還出另招開墾照例起科按畝承糧因遂給發清單  
開明坵形編定號數各付執照庶欺隱霸佔之田

漸清而紙辭安... 國賦日增訟端自息民不驚擾矣至條奏內欲另行清查編定戶口人丁可以徵繁庶且易於行保甲其說甚善但臣入境以來沿途留心查看川民多散處於山陬江汜其流寓無業之民行踪不定故保甲之法向亦止存奉行之名臣今現在嚴飭各府州縣衛所於城市關廂人煙湊集之處以及可聖朝以聯絡之村莊鄉鎮俱編設十家牌實力奉行保甲之法至於孤僻四散之處檄令所在弁兵勤加游巡不時稽查以期弭盜安民若照編定丁冊以

行保甲則人民散處勢難聯絡必仍有名無實徒成紙上空言伏惟

皇上御極以來勤恤民隱無時不朕所交事情不行悉心詳議將此等閒話寫來煩瀆爾念切閭閻無事不詳求允協而且

聖德如天凡關係民生裨益地方之事無不因革得宜

皇上至周至備偶遇災傷蠲免動輒數百萬兩既川臣等二字即當列名某某深仁厚澤無遠弗屆今令臣等再三斟酌者實為川省否則或聲明曾與某某商酌今摺中並無此語可謂疎忽之極侵奪訐告之風不可不除而安民弭盜之法不可

不講也臣身在地方細加查訪民情土俗所聞見奏者不敢不一一據實殊批諭旨

奏明再川省人民向有私派之累近雖嚴行革除而忽東一句忽西一句詞甚支離實令人不解頻年以來借軍需之故派累甚多今正宜仰叨

皇上洪恩專務休養生息寬民之力使其安居樂業共享太平之福庶不負

皇上宵旰勤求治理之聖心也臣謹據實

奏明是否允協伏祈

睿鑒指示欽遵謹

奏

覽此奏與所條奏之處了不相涉朕原令爾徐徐斟酌

妥當然後奏聞並未催迫爾如暫時未得確當主見即

稍遲時自何妨今為此實派支吾搪塞之語含糊亂書

呈篇終歸之於頌聖革除派累而乃落是否允協四字

祈朕指示殊屬可笑之極與佛喜程如絲再加詳議具

奏奏至

雍正四年六月初四日四川巡撫臣法敏謹

聖奏為奏聞

聞事竊臣奉

命移撫四川巖疆重任實切凜懼惟有仰體

皇上察吏安民之至意正已率屬一念不敢自懈每接

殊批諭旨

三九

法敏

皇上見屬員諄切誠勉諭以實心任事愛養百姓以仰

命對答四川屬屬重臣實心任事愛養百姓以仰

莫被人愚惑發願做好官面受朕訓諭之大臣中能

皇上勵精圖治期望大小臣工共為良臣之

聖恩反覆開導各員頗有感悔願為好官之意現在不

人所愚惑所欺詐之地不可不知慎之慎之慎之

訪此四字甚好萬不可信人萬不可疑人只此二語用

人之道備矣地方利弊臣逐一詳求漸次興革以期稍盡

職守所有已行事宜謹臚列為我

皇上陳之

之非也

一有司私派害民實甚川省積習相沿不以為異

近雖禁革或恐有陽奉陰違者臣復行頒示嚴禁

不知爾遣何等入密行查訪如有借稱公費名色及上司差

遣等項向里下需索私派者定即究參

用大戲便能禁若用小戲加收則更甚矣

如第一條暗取加耗苦累花戶刻剝小民者臣亦嚴行禁革

如有違犯一經訪實立即嚴參

一佐貳官定例不許擅受民詞而川省雜職微員

每有違例受詞者甚或教官亦干預民事以至任

意需索是非顛倒深為民害臣已嚴行示禁如有

殊批諭旨

三

法敏

此亦不過如盜案耳盜賊盡除朕方保此風可息  
兒女擅行綁掠隨處販賣惡習成風殊可痛恨臣  
絕掠賣之源固當但恐與查拏者又添一生意也  
民不得擅買來歷不明之人以絕其源庶掠賣之  
風可息矣

一川省向有扛搶之風無論民間處女再醮動稱  
倘其中真屬許配誤為扛搶或致冤抑平人若查拏  
之人臨時分別又硬媒硬證糾黨成羣任意扛搶或  
成人命最為惡習臣一高下其手刁風未必能永絕  
也  
查拏務使刁風永絕  
一差役辦公原不可少乃有姦惡之徒一奉官票

衙官優劣不等作弊亦無一定勒石未必能禁恐由  
啓百姓挾制官長之擾累百姓任意需索為害實甚臣已  
通行嚴飭并令勒石永禁

此不過招徠士童生赴考每向里下索取供給生員入  
令士闈亦於地方索花紅路費州縣等官每自謂作養  
再將斯文不行禁止此實陋弊豈可因循苦累百姓臣  
文矣  
皇上恤士愛民之意通行嚴禁現在訪查如有故違即

以上逐條批論以絕錮弊  
以上各條係臣到任後訪查民風土俗酌量舉行

殊批諭旨

三

法敏

爾之識見所訓爾者惟當察吏為求治之根本耳切毋  
輕信屬員之愚惑實力勤慎為之  
奏伏祈

皇上睿鑒謹

奏

以上數條可謂是當之至但言之甚可聽行之最為難  
頒約易禁止難道府州縣諸如此類詳覆爾之文書萬  
不可信其必能行所言也此七條內若能實力舉行一  
事爾之造福於川省無量矣地方遼濶焉得處處期其  
奉行必力自古有治人無治法爾等封疆大吏但以秉  
公察吏為主如爾今舉行此數事緩則弊在因循日久

漸至懈弛急則患在騷擾苟免一時譴責能不受屬員  
之種種欺隱蒙蔽莫作容易看惟宜勉之慎之盡爾一  
己力量殫心竭慮督察訪詢或有益於萬一不然徒費  
唇舌虛張告示於地方何實濟之有須實力勉行徐徐  
權宜為之毋忽

同日又

奏竊查川省係極邊巖疆各處城垣關係最為緊要

臣到任後即通行各屬據實繪圖造報雖尚未據  
查覆而臣細加訪問完固之處十無一二沿邊各  
屬不但無以資捍禦且亦無以昭制度若欲槩行

興築工費浩繁事非易舉而聽其因循殊非保衛  
邊方之計查各屬鹽茶稅課銀兩除正額及繳送  
各衙門規禮外其中尚有羨餘近准部文各關俱  
奏令儘收儘報但若全數報出作為定額恐鹽茶或  
因天時水旱出產難定一時接濟不及將來勢必  
貽害商民若不報出則又徒為官吏分肥莫若令  
兩司查明酌存各官養廉將所餘銀兩儘其多寡  
亦令解交藩庫俟蓄積一二年查川省城垣內擇  
其最緊要之處委令大員確估具摺  
奏明修築次第整理似亦鞏固邊圉之一策也是否

可行伏祈

皇上睿鑒指示欽遵謹

奏

此非應摺奏之事儘收儘報權在爾等督撫但有干係  
耳若如此密奏了結無憑察核則無干係矣烏乎可支  
聞一同日又  
奏為奏

聞事竊詎於五月二十五日准到督  
岳鍾琪咨稱冕  
山營所屬賊蠻金格等狂悖因從前各案並未殲  
其兇首致無忌憚今乘其秋糧將熟宜行勦撫已

行調土兵漢兵各一千五百名務在六月內齊赴  
冕山駐劄令該鎮趙儒統領并調化林副將張成  
聞奉隆協同料理脅以兵威再行化誨如仍抗違不遵  
奏聽該鎮會同臣一面奏

聞一面進剿等因并咨臣將應需口糧照例備辦支給  
臣隨飛檄布政司會同建昌道星夜備辦輓運支  
給又准署提臣潘之善咨官兵預支俸餉以資出  
奉師前進臣行司查議官兵內地行走定例不支口  
糧若不稍爲通融借支兵餉官兵勢必拮据應酌  
量預支接濟俟秋冬二季領餉時照數扣還再查

土兵在口內行走一切口糧及犒賞之需從前俱  
於軍需羨餘銀內動支今次土兵調赴冕山計程  
甚遠伊等自備口糧裹帶有限自應支給口糧接  
濟其輓運支給之處容俟另疏

奏明外至犒賞一項勢不可少臣於應得銀兩內動  
支備辦銀牌牛酒等項隨時犒賞并檄委建昌道  
率領各州縣分頭管理諸事皆已就緒俟官兵齊  
集後臨時相度機宜應剿應撫臣就近同提鎮二  
奏臣會商妥協再行奏

聞務期邊方寧謐以仰慰



聖懷所有臣現在辦理緣由合行陳明謹

奏

極宜加意鼓勵兵弁督率屬員竭力料理若少掣肘貽誤機宜罪歸於汝也

同日又

奏臣查川省從前辦理軍務及一切公事凡有費用難入正項銷算者俱在浮冒軍需及私派銀兩內動用於中扣剋中飽者居多今各項私派盡行禁革一應軍需俱從實開銷此外若有公務費用實無可動之項但川省崇山密箐番夷環繞出沒不

常其一切防禦事宜有不可不預爲籌畫者若不稍爲變通萬一事出意外必至掣肘貽誤非輕臣查川省收稅各員及布按兩司俱有繳送巡撫衙門規禮共計五萬一千餘兩內除夔關銀兩題充正項并松茂道糧規題請折改歸併藩司該道無從交送外每年共計存銀三萬六千餘兩巡撫衙門控制全川一切差遣賞需等項原有不可已者望恩非別省巡撫可比臣請

賞留一萬二千兩以充一切費用餘銀二萬四千兩交與藩庫收貯留充本省公用仍令該司登簿季報

以憑查考如此則地方公事不致有悞巡撫衙門  
賞留一切事件皆仰叨 聖恩易於辦理矣謹此 奏聞

奏門封師全川一 聖恩易於辦理矣謹此 奏聞  
爾等督撫之貪廉不在於此惟務實行朕自能周知全  
不在章奏語言間也

雍正四年六月二十日四川巡撫 法敏謹 奏

奏竊臣於六月十八日接到欽奉 聖旨

硃批各奏摺 跪讀之下如夢初覺自知謬誤不勝戰  
慄恐懼無地自容叨蒙 聖恩

天恩不卽嚴加重罪猶

賜訓誡臣不覺感激涕零惟有敬奉

聖訓痛自刻責諸凡虛心商酌力求自新以期稍蓋前

奏愆至冕山用兵事宜 臣一准督 臣岳鍾琪咨立即

會同署提 臣潘之善及布按 司等商酌辦理今

漢土各兵皆已起程赴冕矣 臣跪讀

聖訓憂懼惶悚寢食俱廢謹繕摺具

奏倘得

聖心稍爲寬慰則 臣犬馬私情實爲萬幸 臣不勝感悔

奏激切之至謹

硃批諭旨

吳

法敏

奏

觀爾於一切奉旨賞幫兵弁之處甚屬不及若於此等處施小作用冀朕信汝清廉則大快矣此番軍需賞勞倘少涉慳吝不能鼓勵將士不能得士兵感悅之心朕不汝輕貸也

雍正四年九月十七日四川巡撫法敏謹

奏為恭繳

硃批奏摺事竊臣奉到  
硃批各奏摺荷蒙  
聖恩詳加指摘委曲開導

訓誨諄諄臣跪讀之下儆惕感激惟有時刻勉勵竭盡  
心力以圖仰報

高深於萬一所有臣奏摺十一件皆欽奉  
硃批理合恭繳為此謹

知道

雍正四年十月初二日四川巡撫法敏謹

奏竊照浙江撫臣李衛不廷則帶瀾不效以副省如  
奏明動銀十萬兩委員赴川買米臣准部咨隨卽檄  
行布政司詳委能員於重慶夔州二府候浙省委

員亦到協同辦理採買并出禁嚴禁不許姦牙囤  
積高擡價值令地方官互相稽查務使米價平允  
奏易於購買催令速運不致阻滯斷不敢以隔省岐  
視今浙省委員尚未據報到川俟購買完足之日  
伏祈再行奏聞  
聞爲此謹

奏爲奏明事竊查督臣岳鍾琪摺  
甚好爾等同受倚任皆係爲朕守封疆之臣須一例看  
視不分彼此方是

奏爲奏明事竊查督臣岳鍾琪摺  
奏勦撫賊蠻金格等一案臣准咨之日卽傳司道等  
會同面議所調漢土官兵師行糧從務期士馬飽

騰飛益甚因更屬夷土官兵二千二百餘名共  
國帑不致糜費必從長籌畫方克有濟隨據建昌道  
劉應鼎稟稱查打箭爐口外至拉里原設塘站捐  
贖駝馬匹自用兵以來歷年陸續倒斃各塘站不卽  
買補所領草乾銀兩除餵養現存馬匹雇夫工價  
外每年俱有支剩銀兩從前俱入在餘銀內雜費  
惟有雍正三三兩年額領銀兩實支夫馬工料外

支剩銀一萬七千二百五兩零此項銀兩前道未  
入餘銀之內今用兵之際莫若將此項銀兩爲各  
官兵口糧軍需之費似屬以公濟公俟事竣工費  
題明等語復據按察使程如絲稟覆相同據此臣隨  
卽分委各官備辦公支在案但今准提臣周瑛准  
因建昌鎮臣趙儒咨稱賊蠻等逃入深箐號召黨羽  
猖獗益甚因復調漢土官兵二千二百名連前共  
官兵五千有餘臣思兵益加增糧亦加多自六月  
來至今爲日已久前項銀兩必不敷用且晁地山深  
奉箐密風寒水冷原與口外無異是以據司道詳請

題明請

旨將前次給過口糧及今調官兵銀糧一併開銷正項  
其兩年塘站支剩銀兩請作軍前一切不便開銷  
之雜項使用俟擒獲賊蠻撤兵之日核實具文亦  
奏如有剩銀仍存道庫除將口糧等項另疏請旨  
題明外所有雍正二三年口外塘站支剩草乾銀  
兩作爲軍前雜用是否允協伏候 睿裁謹

睿裁謹

奏

好知道了官兵口糧照出口例免其扣除已有旨矣

硃批諭旨

雍正四年十二月二十七日陝西巡撫臣法敏謹  
奏為奏明事竊臣自十二月初三日自成都起程初  
睿恭九日至昭化縣途遇督臣云今冬雨雪霑足可卜  
來年豐稔十六日行至漢中府鳳縣時值大雪積  
限深六七寸隨於經過之鳳翔西安各州縣地方詳  
奏加訪問俱稱自十一月至十二月屢降大雪有積  
至尺餘者及臣到署又查延安府屬州縣報文亦  
於十一月內各得雪至八九寸是西安所屬四府  
言得雪普遍四野霑足此皆我  
皇上宵旰勤勞實心愛民感召

天和之所致也為此謹

奏

覽奏深慰朕懷

共恩雍正五年三月十二日陝西巡撫臣法敏謹

聖奏為仰承

聖訓恭謝

天恩事雍正五年正月十二日接到雲貴督臣鄂爾泰

來書內錄

皇上硃批臣跪讀之下不勝惶悚涕零竊惟至愚極陋

皇上蒙恩對玉桂巖執奠勉負幸荷

硃批諭旨

皇上天恩擢任封疆時虞蚊負幸荷

聖明備加訓誨俾有遵循得免隕越今於督臣鄂爾泰

奏摺內

特降諭旨曲賜開導勉勵造就不啻家人父子臣何人

聖斯疊受

聖主天高地厚有加無已之

洪恩如此至優極渥也惟有仰遵

聖訓時時奮勵刻刻警惕一切關係吏治民生之事務

奉期殫心竭力克盡愚誠以圖仰報

皇上生成教誨之

隆恩於萬一耳謹將督臣鄂爾泰原書一併恭呈

御覽謹

奏

朕向日從不留心人情世務令卽位四五年以來頗閱  
歷人情見知過改悔者甚少誠所謂秉性難移下愚之  
流雖聖人亦末如之何也聖門最重改過不吝覺悟自  
非捨己從人爲天下極難之事莫看作容易朕勸導內  
外臣工同心合德君臣共相懋勉以仰答

聖祖數十年教育深恩亦可謂竭盡心力矣能仰體朕心  
者自然悠久蒙福如必不聽從則必至於擯棄臨期噬

臍何及若能慎守所長勤修所短琢磨成一全材報效  
國家利益生民豈不美歟倘甘心庸祿自居尸位素餐  
孜孜焉止爲一已計恐今日之大臣中  
上蒼未必容此等居心人也勉之勉之

同日又

奏爲奏

聞事查得西安八旗滿兵及督撫兩標城守營綠旗兵  
丁本年連閏應支粟米共一十七萬一千五百五  
十七石零除將現在米石儘數支放外尚不敷米  
六萬九千六百五十八石零曾經

題明照部定折價支給在案查現存之米止可支放  
至九月自十月至十二月俱支折價臣訪聞得往  
年兵丁支米之月將食用所餘之米卽行糶賣無  
存遇折價之月齊赴糶買以致市價高昂兵民皆  
有米貴之虞臣是以飭令署糧道詳加確議並商  
之將軍臣延信等自三月起至歲底止將各兵應  
支銀米通融均搭每月銀米兼放則兵丁食米旣  
無缺乏而市價亦得均平實與兵民大有裨益臣  
已檄行該署道查明分搭支放矣理合奏

聞謹

硃批諭旨



奏

卽實係如此情形亦當奏明再行不應一面分搭支放  
假若因本色不足巧爲騰挪則爾將來領罪不起此事  
曾與岳鍾琪商酌過否

雍正五年閏三月初九日陝西巡撫臣法敏謹懇

奏爲甘霖普徧仰慰以聖懷事竊照西安自去冬以及正二月雨雪霑足麥苗

茂盛倍常惟三月間雨澤稀少輿情仰望甚殷今

於閏三月初三四五等日甘霖疊沛據西安鳳翔

二府屬及直隸同州華州并所屬各報得雨相同

除延安漢中二府離省稍遠尚未報到初七日復

降時雨今西安附近各州縣俱已十分霑足二麥

豐收可必臣喜聞萬姓歡呼實爲地方慶幸謹將

奏得雨霑足情形繕摺奏

聞恭慰合恭摺爲此

聖懷謹四并昔禮奉

覽奏

願雨澤情形深慰朕懷

雍正五年閏三月二十一日陝西巡撫臣法敏謹

奏爲恭繳

殊批諭旨

法敏

四三

法敏

硃批奏摺事竊臣奉到

硃批各奏摺內恭請民二十一日刻西成縣

聖安摺臣敬謹收藏至復荷

聖慈諄諄教誨臣惟有銘心刻骨凜惕祇遵外其餘奏

聖刻摺四件皆欽奉

硃批理合恭繳爲此謹

奏

將向來得力之舊習一切障礙業識豁然醒悟洗滌改  
革非易事也勉之

同日又

奏爲首郡要缺仰懇

聖恩速賜揀補事竊查西安一府地居省會旗民雜處

所轄屬縣錢糧繁重且承審承查案件較之他郡

倍多必得操守廉潔精明強幹之員方克勝任前

任西安府知府潘霖鼎病故經臣

題報在案現今乏員伏乞

皇上於記名人員內揀選數人速令赴任庶地方一切

刑名錢穀咸資料理臣得收臂指之效矣爲此謹

奏爲恭辨二麥外如專蘇煎煎西日平二麥煎豆菜

新守勝任與否試驗後具摺奏聞

硃批諭旨

四

法敏

雍正五年五月十一日陝西巡撫臣法敏謹

奏為恭報二麥收成事竊照陝西目下二麥豌豆菜  
子俱已刈獲惟延安一府及直隸鄜州葭州綏德  
皇土州地氣寒冷收成稍遲尚未報到俟到日另行具  
奏外今據布政司彙報西安鳳翔二府收成俱有十  
分九分漢中府收成共八分九分直隸興安州商  
州同州華州乾州邠州耀州收成俱六分至十分  
不等地方豐稔民生樂業再二麥收穫已畢正在  
望恩播種秋穀急需雨澤之時茲於四月廿七八九  
奏及五月初四五等日連降時雨四境普徧均各霑

足合併奏

聞謹

奏

朕以手加額欣慶覽之

同日又諭著日費且累漸與時節不齊矣此  
奏為請著亦旨出計外另為宗廟不似可謝外另

旨事竊查積貯實

國家之大計民命之攸關西安省屬現貯倉糧共計  
有七十三萬九千餘石可謂有備無患矣但虞其  
間或有州縣造報不實掩飾查時者除現在檄委

道員等親赴各州縣徹底盤查據實出結詳報外  
惟是各屬所貯糧石有米麥豆穀色樣不一究其  
因所由或因年成歉薄聽從民便照現在成熟之糧  
目車色徵收者或因賠補虧空視地方出產之多暫時  
奏通變者亦有出借於民急欲完補不拘色樣任民  
通融完納者日積月累漸與報部色樣不符矣此  
失之於前係前任之咎不必言矣因循於後則汝等難  
從前相沿之積習也第既失之於前豈可因循於  
辭其咎應清與否在汝等審量功過自為之而已朕不  
強諭後若不即為清理將來色樣混淆必至難以稽查  
臣再四思維行司查議據布政使張廷棟通詳督  
總督臣岳鍾琪已批候陝撫示行在案臣查豆非民食

穀乃屬員怨望之舉則將巡撫專任之事特令張廷棟  
具詳急需固不如米麥為適用而米麥易於霉爛又不  
易穀有貯原係極好之莫若將米麥豆徹底查明統易  
為穀既便於久貯而於備荒平糶均有裨益再查  
米麥豆通省合計約有十之六七倘一時糶賣糶  
穀必至穀價騰貴於民又有不便請於每年二三  
月間於存七糶三之時將米麥豆均勻搭糶至秋  
成後每米麥豆一石易穀二石貯倉則三年之內  
盡易為新穀庶緩急有備沍爛無虞矣是否可行  
奏伏乞

皇上睿鑒批示以便繕本具

硃批諭旨

聖

法敏

皇題爲此謹示以要辦本具

奏

據奏稱米麥豆通省約有十之六七須詳查其數某州若干某縣若干初年清理幾何次年易補多少亦須登記若似此含糊具奏大有因循歲月藉端諉延之意不過畏朕耳目照察預防差人盤查之巧計耳倉穀之清理與否目今直隸江西皆榜樣也力行與不力行在爾等自爲之總之直省槩須清理一遍但得人朕卽差往若似法敏一類之人朕豈肯令膺此等任怨之差遣耶勉爲之慎思之

同日又

奏爲恭繳

硃批奏摺事竊臣奉到

硃批各奏摺內恭請

聖安摺臣敬謹收藏至疊荷

聖主高厚弘慈不棄駑鈍

訓誨諄切開臣茅塞臣之勉之非實實痛自刻責斷不能

能然警省胸中主宰不明雖強欲凜遵恐終屬難能

皇恩於萬一所有奏摺五件皆欽奉

硃批理合恭繳謹

硃批諭旨

精批奏 聖合恭 燦

覽恩仗萬一洞百奏附正神習燈奉

稟數以俱明辨

隨前朝臣開引萃塞引非百流爪我慈益自澆昏夙交

聖主高軛以慈不棄驚險

聖安附引慈蠶效燕至疊荷

精批谷奏附內恭請

精批奏附聖慈引奉附

奏為恭

同日又



